

74
6396
1



門 74
號 6396
卷 1

內本重鐫

古香齋明夢餘錄

孔氏三十有三萬卷堂藏版



早稻田大學
2511.7
賤 來

古香齋鑿賞袖珍春明夢餘錄目錄

古香齋鑿賞袖珍春明夢餘錄目錄

卷一

建置

卷二

形勝

卷三

城池

卷四

畿甸

古香齋鑿賞袖珍春明夢餘錄目錄

一

皇朝通志目錄

卷五

城防

卷六

宮闕

宮官

內官監

卷七

正殿

卷八

殿門

卷九

文華殿

卷十

文華傍室

卷十一

武英殿

仁智殿

卷十二

皇朝通志目錄

目錄

二

皇朝通志卷之

文淵閣

卷十三

皇史宬

卷十四

天壇

祈穀壇

神樂觀

犧牲所

卷十五

山川壇

神祇壇

太歲壇

先農壇

旗纛廟

卷十六

地壇

朝日壇

夕月壇

皇朝通志卷之

目錄

三

五經通義卷之七

卷十七

太廟

卷十八

奉先殿

景神殿

玉芝宮崇先殿

卷十九

社稷壇

先蠶壇

高禖臺

西海神祠

卷二十一

帝王廟

卷二十二

文廟

卷二十三

三皇廟

都城隍廟

古今圖書集成目錄

三才圖會目錄

漢壽亭侯廟

宋丞相文信國祠

于少保忠肅祠

卷二十三

內閣一

卷二十四

內閣二

卷二十五

六科

四

卷二十六

尙寶司

卷二十七

光祿寺

卷二十八

中書科

卷二十九

宗人府

卷三十

三才圖會目錄

目錄

五

皇朝通志卷之三十一

五軍都督府

卷三十一

戎政府

卷三十二

翰林院

卷三十三

詹事府

卷三十四

吏部

五

卷三十五

戶部一

卷三十六

戶部二

卷三十七

戶部三 倉場

卷三十八

戶部四 寶泉局

卷三十九

皇朝通志卷之三十九

目錄

六

皇朝通志卷四十四

禮部一

卷四十

禮部二

卷四十一

禮部三 貢院

卷四十二

兵部一

卷四十三

兵部二

卷四十四

刑部一

卷四十五

刑部二

卷四十六

工部一

卷四十七

工部二 寶源局

卷四十八

古香齋春明夢餘錄

目錄

目錄

都察院

卷四十九

通政司

卷五十

大理寺

卷五十一

太常寺

卷五十二

四譯館

卷五十三

太僕寺

卷五十四

國子監

卷五十五

府學

卷五十六

首善書院

卷五十七

目錄

目錄

目錄

太醫院

卷五十八

欽天監一

卷五十九

欽天監二 觀象臺

卷六十

鴻臚寺

卷六十一

行人司

二

卷六十二

上林苑

卷六十三

錦衣衛

卷六十四

名蹟一

卷六十五

名蹟二

卷六十六

目錄

目錄

九

古香齋春明夢餘錄

寺廟

卷六十七

石刻

卷六十八

巖麓

卷六十九

川渠

卷七十

陵園



十

古香齋鑒賞袖珍春明夢餘錄目錄終

古香齋春明夢餘錄

目錄

十

皇清文獻通考卷之百六十五 地理考 廣輿記

古香齋鑒賞袖珍春明夢餘錄卷之一

北平孫承澤著

建置

昔黃帝建都於涿鹿卽京師地史稱帝都涿鹿之阿往來
遷徙以兵爲營衛蓋燕地在漢以前通名爲涿至漢高帝
六年始分燕置涿郡水經注引應劭云涿水出上谷涿鹿
縣按涿水自涿鹿東注濕水濕水東南逕廣陽郡與涿郡
分水涿郡受其稱矣今保安州西南九十里有涿鹿山黃
帝破蚩尤於此州東南四十里有軒轅城

堯建都於冀燕冀地也古者中國之地分爲九州大河以
北爲冀堯都平陽此其甸服也及舜卽位以冀地大廣始
分冀東恒山之地爲并州東北暨無閭之地爲幽州又分
遼東等處爲營州皆冀也漢末曹操領冀州牧又統名爲
冀昌平有漢人張純碑稱冀州從事循古稱也

周禮職方東北曰幽州釋名曰在北幽昧之地故曰
幽也又曰燕之爲言燕也其氣內盛而燕宛也爾雅
曰兩河間曰冀又冀近也

周封召公奭於燕封堯之後於薊史記注云薊今涿郡薊

縣是也卽燕國之都水經注薊城西北隅有薊邱故以名
之猶魯之曲阜齊之營邱

燕有二國一稱北燕姬姓召公所封一稱南燕媯姓
黃帝之後地理志曰東郡燕縣南燕國無世家不知
其君諡號惟魯隱公五年衛人以燕師伐鄭杜云南
燕國莊公二十年鄭伯和王室不克執燕仲父杜云
南燕伯見傳耳此據左傳及註疏之文是以北燕爲
召公所封南燕爲黃帝之後也按史記武王未及下
車而封黃帝之後於薊註今涿郡薊縣是也卽燕國

之都孔安國司馬遷皆云燕國召公與周同姓黃帝
姓姬君奭蓋其後也或黃帝之後封薊者滅絕而更
封燕郡乎

秦始皇二十三年滅燕以爲廣陽郡漢高祖封盧縮爲燕
王漢光武封叔父良爲廣陽王其城有萬載宮光明殿王
莽改曰廣陽縣

廣陽水名水經注云廣陽水東南至陽鄉縣右注聖
水聖水又東南逕陽鄉城西縣故涿之陽亭也志云
陽鄉城在今府治西南二十五里

京西南有盧王屯在安次縣常道鄉二十五里漢燕
王盧縮屯軍與劉賈夾攻燕者今名盧縮屯按常道
鄉在耿就橋西去安次縣五里唐貞觀中縣治也魏
燕王宇文奭封常道鄉公卽此

幽州在唐爲范陽郡置盧龍軍節度使石晉天福元年割
山後十六州賂契丹燕土遂淪異域至金天輔五年以燕
京及涿易檀順景薊六州還宋宋宣和四年改燕山府爲
永清軍郭藥師叛金金人復取之地復歸金先是顯德中
周世宗親策兵復瀛鄭諸州將抵幽病還宋太祖置封椿

唐曰晉割幽燕以遺契丹使一方限於境外朕甚憫之俟
唐滿則以此酬之不然散滯財募勇士以圖攻取然終宋
之世未能復也

宋太宗垂拱中吏部尚書宋琪請復幽燕疏其言幽
燕情形甚悉疏略曰大舉精甲以事討除靈旗所指
燕城必降但徑路所趨不無險易必若取雄霸路直
進不免更有陽城之圍蓋界河之北陂淀坦平北路
行師非我所便况軍行不離於輜重賊來莫測其淺
深欲望回轅西適山路令大軍會於易州循孤山之

北涑水以西挾山而行援糧而進涉涑水並大房抵
桑乾河出安祖砦則東瞰燕城裁及一舍此是周德
威收燕之路自易水距此二百餘里並是沿山村墅
連延溪澗相接採薪汲水我占上游東則林麓平岡
非戎馬奔衝之地內排槍弩步隊實王師備禦之方
而於山上列白幟以望之戎馬之來二十里外可悉
數也從安祖砦西北有盧師神祠是桑乾出山之口
東及幽州四十餘里趙德鈞作鎮之時欲遏西衝曾
塹此水况河次半有崖岸不可輕度其平處築城護

之守以偏師此斷彼之右臂也仍慮步奚爲寇可分
雄勇兵士三五百人至青白軍以來山中防遏此是
新州媯川之間南出易州大路其桑乾河水屬燕城
北隅繞西壁而轉大軍如至城下於燕丹陵東北橫
堰此水灌入高粱河高粱岸狹桑水必溢可於駐蹕
寺東引入郊亭淀三五日瀾漫百餘里卽幽州隔在
水南王師可於州北繫浮梁以通北路賊騎來援已
隔水矣視此孤壘淚旬必克初宋太祖欲取幽薊以
地圖示趙普普曰圖必出曹翰帝曰然又曰翰可取

否普曰翰可取孰可守帝曰以翰守之普曰翰死孰
可代帝不語久之曰卿可謂遠慮矣帝自此絕口不
言伐燕及太宗平河東出討幽薊久未班師普手疏
極諫甚謂陛下信邪誦之徒又謂望陛下精調御膳
保養聖躬其言極切帝報曰將帥不遵成算往復勞
弊爲遼人所襲此責在主將也朕踵百王之末粗致
承平蓋念彼民陷於異地將救焚而拯溺匪黷武以
窮兵卿當悉之也疆場之事已爲之備卿勿爲憂遂
罷進取之兵而宋之弱實基於此

遼會同元年立爲南京開泰元年號燕京金海陵貞元元年以燕乃列國之名不當爲京師號稱中都元太祖於貞祐乙亥平中都金主奔汴至至元四年城京師稱大都

燕之稱京不始於遼也宋人方回曰燕將臧荼王燕都薊今燕京大興府東北有薊縣又曰陶淵明詠荆軻曰提劍出燕京蓋燕之名京久矣按燕京易州西北乃金坡關卽紫荆關昌平之西乃居庸關順州之北乃古北口景州東北乃松亭關平州之東乃榆關卽山海關自後唐屬契丹阿保機都於此其地平州

爲要害至遼天祚時其將張穀守平州以平州降宋金人取之並擒天祚而遼亡時宣和七年乙巳也至紹興二十年金主亮以上京僻在一隅城燕京徙居之改析津府爲大興府號中都以中京會寧府爲北京汴京開封府爲南京而舊遼陽府爲東京大同爲西京如故元世祖問劉秉忠曰今之定都惟上都大都耳何處最佳秉忠曰上都國祚短民風淳大都國祚長民風淫遂定都燕之計

明洪武元年改大興府爲北平府二年立北平行中書省

三年封燕王九年革行省設承宣布政使司初欲建都於此以修撰鮑頰力諫而止永樂元年正月禮部尚書李至剛言北平布政司實興王之地宜遵太祖中都之制立爲京師制曰可其以北平爲北京上雖臨御猶稱行在十八年宮殿成去行在之號洪熙元年復稱行在正統六年復去之以應天府爲南京

洪武元年改北平府詔一海宇以安人心正國統而君天下理勢所在古人皆然自羣雄乘亂以來四方思治惟切元綱已墮疆土遂分孰拯斯民以定於一

顧予菲德造此丕圖荷上天眷祐臣鄰翊贊肇基江左平定中原睠惟幽薊實彼根本命將北伐列郡皆順已於洪武元年八月初二日克取燕城兵無犯於秋毫民不移於肆市捷音來奏殊副朕懷今改燕城爲北平府命官屯守海宇旣同國統斯正方與生民共享安平之福尚賴內外臣僚夙夜公勤匡朕不逮永樂十八年建北京詔開基創業興王之本爲先繼體守成經國之宜尤重昔朕皇考太祖高皇帝受天明命君主中華創立江左以肇邦基肆朕繼承大統

恢弘鴻業惟懷永圖眷茲北京實爲都會地勢雄偉山川鞏固四方萬國道里適均惟天意之所屬實卜筮之攸同乃倣古制輿情立兩京置郊社宗廟創建宮室上以紹皇考太祖高皇帝之先志下以開子孫萬世之弘規且於巡狩駐守實有便焉爰自營建以來天下軍民樂於趨事天人協贊景既駢臻今工已告成選以永樂十九年正月朔旦御奉天殿朝百官誕新治理用致雍熙於戲天地清寧衍宗社萬年之福山河綏靖隆古今全盛之基

永樂十九年北京御朝詔朕荷天地祖宗眷祐繼承大統撫馭萬方夙夜祇勤率遵成憲乃者紹皇考太祖高皇帝之志效成周卜洛之規建立兩京爲子孫帝王萬世之基爰自經營以來賴天下臣民殫竭心力涉寒暑冒風霜趨事赴工勤勞匪懈朕心眷念拳切不忘今宮殿告成朕已御正朝祇祀天地祖宗社稷懋圖治理嘉與維新重懷寬恤之仁用廣好生之德大赦天下

史記天官書云中國山川東北流其維首在隴蜀尾

沒於勃碣唐書天文志云箕尾析木津也初尾七度餘二千七百五十秒二十一少中箕五度終南斗八度自渤海九河之北得漢河間涿郡廣陽及上谷漁陽右北平遼西遼東樂浪元菟古北燕孤竹無終九夷之國尾得雲漢之末派龜魚麗焉當九河之下流濱於勃碣皆北紀之所窮也

京師地最高去通州四十里地高五丈河中置十閘始可行舟去上都一千里地高四十丈

洪武初定淮甸得馮國用問以定天下大計國用對

曰金陵龍蟠虎踞真帝王之都願先渡江取金陵置都於此然後命將出師掃除羣寇倡仁義以收人心天下不難定也上曰吾意正如此及克太平召陶安問之對如國用且曰據長江之險出兵以臨四方何向不克此天所以資明公也上嘉納之遂定計取金陵擒元將陳桢先等入其城遂置都焉其後既定中原復以汴梁爲北京以臨濠爲中都逮平陝西欲置都關中後以西北重地非自將不可議建都於燕以鮑頰力諫而止金陵北阻長江南挹吳會雖稱華麗

然風氣之厚形勢之雄終不如西北扼天下之喉而
拊其背爲最勝昔孫吳東晉以迄宋齊梁陳皆偏安
江左迭興迭廢何能爲帝王孔明所云鍾山龍蟠石
城虎踞真帝王之都者蓋當時欲與孫吳結好姑爲
此言以廣其意未必然也其後成祖改都燕京而以
金陵爲南京爰致太平垂三百禩可謂善繼先志矣
建文初戶部侍郎卓敬密奏曰燕王智慮絕人酷類
先帝夫北平者強幹之地金元所由興也宜徙燕南
昌以絕禍本夫萌而未動者幾也量時而爲者勢也

勢非至勁莫能斷幾非至明莫能察建文不能用夫
使卓司農之說行寧有靖難之事乎其後徙寧王於
南昌及其叛也滅之不旋踵文皇蓋陰用其言也
郭子章都論古今論形勢之都曰秦曰洛而洛不如
秦則自漢以來言之屢敬說漢高曰洛陽天下之中
有德易以興無德易以亡秦地破山帶河四塞以爲
固案秦之故地楹天下之吭而拊其背也張良曰洛
陽四面受敵非用武之國關中左殽函右隴蜀阻三
面而易守敬說是也漢竟都關中二百年而王莽篡

宋藝祖欲都長安晉主諫曰在德不在險藝祖曰吾將西遷者欲據山河之勝而去冗兵都汴不出百年天下民力殫矣宋竟都汴百五十年而徽欽擄議者謂洛不如秦似矣顧辟雍之詩曰考卜維王宅是鎬京維龜正之武王成之則周之都鎬卜也周書曰我卜河朔黎水我乃卜澗水東灑水西惟洛食我又卜灑水東亦惟洛食則周之都洛亦卜也夫周卜鎬西東南北無思不服矣而復惓惓營洛者豈知其子孫終東遷耶鎬距秦咫尺當其時何不卜秦而卜洛耶

舍秦營洛周公未爲無見不徒專恃其德已也周歷八百都洛五百豈洛之王氣或加於鎬秦耶微獨周也都秦者西漢二百餘年唐二百八十年秦隋俱二世亡其長短之數可睹已都洛者東漢百九十五年魏晉百年唐末徙洛至宋靖康在汴洛間二百二十年拓跋完顏又百年其長短之數又可睹已則洛何以不如秦哉夫秦天下之首也洛天下之腹也首之爲體尊而腹之受大其可以都一也明興定都金陵似若循六朝之舊洪武初營汴爲北京則亦周公意

也末年東宮營秦則亦婁敬張良藝祖意也而卒不
果豈天將以待燕耶成祖之營燕也當時臺諫交口
不便主事蕭儀言之尤峻豈不以燕爲金元故都非
中原之都乎豈不以金祚僅百年元祚不盈百年非
宜都乎蓋未識上意所屬也成祖曰北平之遷吾與
大臣密計數月而後行今其所密計者卽不得聞以
愚度之其說有四燕非金元始也周爲召公封國由
召公傳丹喜歷四十三世九百餘年眎周歷且過之
宜遷一古享國長久者靡不遷都商始亳遷耿遷相

周始鎬遷洛漢唐始秦遷洛宋始汴遷杭然皆迫於
兵戈旣於戎狄不得已而後去故靖難之後因而遷
徙亦以爲子孫長久計耳宜遷二西漢起漢中都秦
東漢起南陽都洛唐起太原都秦宋起宋州都汴元
起開平都燕明太祖起鳳陽都吳成祖曰吾起燕都
燕耳宜遷三天下之禍莫烈於鹵吾令子孫自當之
庶幾四海豪傑輻輳都下足與鹵角宜遷四成祖密
計或不出此四者彼書生之見豈足以達英雄之略
哉雖然狂鹵隔一邊垣正統己巳之變嘉靖庚戌之

突可鑿也漕河僅一衣帶水元人海運之制脫脫水
田之議當講也果兵足以制鹵食足以自固則太行
易水之間卽國家億萬禩無疆之宅也又何必問秦
洛之強弱哉

李時勉北京賦惟皇明之受天命也我太祖皇帝首
仗義師以平暴亂豪傑景從聲振江漢削除僭竊拯
民塗炭定鼎金陵撫綏萬邦乃睠茲土實雄朔方倣
成周之下洛欲竝建而未遑逮我聖上繼明重光握
乾御極一遵舊章仁聲洋溢乎遐邇思澤汪濊於八

荒旣致治於太平遵皇衢以省方仰先志之未遂度
弘規以作京羌經營之伊始徧夷夏其懽騰曰惟北
都在冀之域右挾太行左據碣石背疊險兮重關面
平原兮廣澤宗恒嶽其巍巍鎮鑿閭而奕奕冠九州
之形勝實爲天府之國是以軒轅邑之以分州唐堯
階之以爲帝擴神化以宜民大勳德之光被鬱王氣
之所鍾於今茲而有待也於是仰瞻析木俯測地靈
龜筮兆吉天人叶應神祇獻珍而山石自出河嶽效
靈而神木自行民子來兮相續期不日而功成爾乃

懸水樹泉識景表營方位既正高下既平羣力畢舉
百工並興建不拔之丕址拓萬雉之金城引天泉於
西阜環湯池而鏡清九衢百廛之通達連蔓邃宇之
縱橫顧壯麗其若此非燕逸而娛情蓋所以強幹而
弱枝居重以御輕展皇儀而朝諸侯遵先軌而播風
聲者也若乃四郊砥平王道正直視萬國之環拱適
居中而建極其南則萬流宗海平林蔽天攬邯鄲鉅
鹿之廣衍馳平疇沃野之綿延澹淤恒衛經其野濡
磁涑桑滙其前界以大陸廣阿之弘壤扼以大茂并

陘之連山包絡趙魏襟帶齊魯膏腴之地綿亘三千
餘里而極於黃河伊潁之川其水陸之所產卓犖繁
盛蓋莫得而計焉其址則疊嶂巒危層巒蔽虧長城
矗乎雲表百泉湧乎山隈壯天關而設險守一夫而
莫開偉左盤而右顧宛鳳舞而龍飛實磅礴而鬱積
輿擁衛於邦畿包狼山上谷之阻據野狐獨石之危
掩祖山木葉之離立連白登紫塞之逶迤控女真而
極乎洮河之北鎮朔漠而逾乎瀚海之湄擅裘之類
犬羊之羣畏威懷德相率而來歸其東則潞河通漕

控引江淮肥如灑瀆灌注縈迴連峯片石之隘首陽
崆峒之崖玉田白壁神仙瑤臺超無終而越金山跨
遼瀋而逾鴨綠至於暘谷日出之涯固已遐哉邈乎
而莫不在乎緩懷環以大海衆水所歸洪濤巨浪洶
湧倏鬼蓋不知其幾千萬里而巒商番舶帆檣隱天
上下不絕而往來又有蓬瀛方壺鳳麟聚窟十洲三
島靈異非一流精之闕瓊華之室墉城岩堯金臺岑
崑紫氣丹青景雲矚日靈圖偃佺安期羨門之倫相
與從游於其間出入隱見而恍惚瞻帝京其伊邇庶

可見其駭變駕鶴之髣髴其西則崇山鬱翠高挹泰
岱北接居庸南首河內竒峯擁關龍門阻隘玉泉垂
虹青烟浮黛上截真兮倚空下蟠據而際海其麓則
有渾河湯湯西湖泱泱臨溝琉璃桑乾廣陽雪波泛
湧灑滌汪洋一瀉千里會流帝鄉又有上林禁苑種
植畜牧連郊踰畿緣邱彌谷澤渚川滙若大湖瀛海
渺瀰而相屬其中則有奇花珍果嘉樹甘木禽獸魚
鱉豐殖繁育颺颺籍籍不可得而盡錄固可以因農
隙而校田獵選車徒以講武事乃遵國風稽王制詔

期門簡將帥乘玉輅擁翠蓋出天闕而雷轟輦芳郊
而雲會非所以威戎誇狄娛樂騁意蓋將取不姓而
除菑害狩無擇而順殺氣謹大易之用於三驅之時
驗騶虞之仁於一發之際水衡虞人之容與武夫壯
士之奮厲皆知夫仁者之爲勇而投石超距之足鄙
亦何必殄夷禽獸割鮮野食而以便仰極樂之爲貴
也若夫其宮室之制則損益乎黃帝合官之宜式遵
乎太祖貽謀之良居高以臨下背陰而面陽奉天凌
霄以磊砢謹身鎮極而崢嶸華蓋穹崇以造天儼特

處乎中央上倣象夫天體之圓下效法乎坤德之方
兩觀對峙以嶽立五門高矗乎昊蒼飛閣屹以奠乎
四表瓊樓嵬以立於兩旁廟社並列左右相當東崇
文華重國家之大本西翊武英嚴齋居而存誠彤庭
玉砌壁檻華廊飛簷下啄叢楹高驤闔闔其蕩蕩
儼帝居於將將玉戶粲華星之爛晃璇題納明月而
輝煌寶珠焜燿於天闕金龍天矯於虹梁藻井煥發
綺窓玲瓏建瓴聯絡復道迴衝軼霄漢以上出俯日
月而盪胸五色炫映金碧晶熒浮輝揚耀霞彩雲紅

其後則奉先之殿仁壽之宮乾清坤寧眇麗穹窿掖
庭椒房闈闔通其前則郊建圓邱合祭天地山川
壇壝恭肅明祀至於五軍庶府之司六卿百僚之位
嚴署宇之齊設比館舍而並置列大明之東西割文
武而制異至於京尹赤縣之治所王侯貴戚之邸第
辟雍成均育賢之地守羽林而掌伎飛者至九十而
有四衛莫不井列而碁布各雄壯而偉麗其岩廊之
上則有皐夔稷契之倫元凱俊乂之輩相與賡虞廷
之歌談羲農之際罄補袞之能懷忠貞之志考禮文

於大備贊聲樂之盡美是以朝無缺政德教漸暨薄
海內外均陶至治幸其有作聿來趨事成此大功忘
其劬勤人和既極休徵滋至慶雲瑞靄之覆於闕庭
素鳥元兔之獻於丹陛醴泉屢出甘露數降麒麟騶
虞之珍馴獅天馬之類紛紜雜遝莫能殫記於以見
天眷之益隆而聖德之純備者也於是正月上日工
既訖功爰告成於天地肆紹美於祖宗清心凝慮齊
沐肅雍燔盛既潔牲牲既豐芬郁郁以旁達靈續續
其來降錫嘉貺之饜饜介景福於帝躬將順應於昌

期趾盛美於無窮乃服袞冕御帝座開九重之深宮
受萬邦之朝賀內侯甸而要荒外殊方而異俗胥近
悅而遠來紛鼓舞而匍匐方物溢以充庭參絢燦而
駭矚率舞蹈於階墀效華封之三祝爾乃浹和會昭
景鑠鏗鐘奏雅樂詔光祿以開筵合百辟而燕樂
饌珍玉兮芳馨疊瓊漿以斟酌聯韶蟬兮夾陛雜蠻
夷之荒服莫不酣暢而飽德咸頌歌而踴躍越填城
而溢郭藹歡聲於寥廓斯可以媿太古之無爲慶華
胥而蹈栗陸顧皇上之謙抑視至治爲未足於是降

德音播嘉惠省刑罰薄賦稅汰冗濁旌廉吏舉賢才
擢俊乂發倉廩賑貧匱尊高年而禮有德慎防禦而
修武備貴爵重賞以厲廉恥厚往薄來以馭夷裔蓋
欲使人知所本士知所勵四方萬國無一民之失所
窮陬僻壤無一物之不遂舉陶於春風和煦之中而
樂於雍熙泰和之治此蓋堯舜兢業之心文王敬止
之意所以紹鴻業繼先志益宏遠而有偉故不勞而
甚易冠絕乎前古垂休於後世固可必聖子之與神
孫益昌盛而無替小臣微陋忝職文字願賦帝都之

盛襲揚國美於萬禩復爲之歌曰煌煌帝都兮逾鎬
 豐阻山帶河兮壯以雄天開日明兮王氣所鍾穹隆
 造天兮惟帝之宮廓氛祲兮開溟濛鎮夷夏兮宣皇
 風王道平平兮四方來同願皇圖之鞏固歷萬世兮
 無窮
 元人樵李顧淵白嘗入京獻燕都賦翰林元復初不
 喜曰今大朝四海一統六合一家燕蓋昔時戰國名
 何燕之稱


古香齋鑒賞袖珍春明夢餘錄卷之二

南海孔昭熙初校
 順德梁振藻再校
 南海孔憲賢三校



古香齋賞袖珍春明夢餘錄卷之二

七



古香齋賞袖珍春明夢餘錄卷之二

形勝

北平孫承澤著

幽燕自昔稱雄左環滄海右擁太行南襟河濟北枕居庸
蘇秦所謂天府百二之國杜牧所謂王不得不可為王之
地楊文敏謂西接太行東臨碣石鉅野亘其南居庸控其
北勢拔地以崢嶸氣摩空而崩另又云燕薊內跨中原外
控朔漠真天下都會桂文襄云形勝甲天下辰山帶海有
金湯之固蓋真定以北至於永平關口不下百十而居庸

古香齋賞袖珍春明夢餘錄卷之二

七

紫荆山海喜峰古北黃花鎮險阨尤著會通漕運便利天津又通海運誠萬世帝王之都

太行自西來演迤而北綿亘魏晉燕趙之境東而極於鑿無間重岡疊阜鸞鳳峙而蛟龍走所以擁護而圍繞之者不知其幾千萬里也形勢全風氣密堪與家所謂藏風聚氣者茲地實有之其東一帶則汪洋大海稍北乃古碣石稍南則九河既道所歸宿之地浴日月而浸乾坤所以界之者又如此其直截而廣大也况居直北之地上應天垣之紫微其對面之案以地勢度之則秦岱萬山之宗正當

其前也夫天之象以北為極則地之勢亦當以北為極易曰艮者東北之卦也萬物之所以成終而成始也艮為山水為地之津液而委於海天下萬山皆成於北天下萬水皆宗於東於此乎建都是為萬物所以成終成始之地自古所未有也前乎元而為宋宋都於汴前乎宋而為唐唐都於秦在唐之前則兩漢也前都秦而後都雒然皆非冀州境也雖曰宅中圖治道理適均而天下郡國乃皆背之而不面焉者孔子曰為政以德譬如北辰居其所而眾星拱之易曰離萬物皆相見南方之卦也聖人南面而聽天

下嚮明而治夫以北辰爲天之樞居微垣之中而受衆星之所向則在乎南焉今日京師居乎艮位成始成終之地介乎震坎之間出乎震而勞乎坎以受萬物之所歸體乎北極之尊嚮乎離明之光使夫萬方之廣億兆之多莫不面焉以相見則凡舟車所至人力所通者無不在於照臨之中自古建都之地得天時下得地勢中得人心未有過此者也

朱文公熹曰冀都天地間好個大風水山脈從雲中發來前面黃河環繞泰山聳左爲龍華山聳右爲虎嵩山爲前

案淮南諸山爲第一重案江南五嶺諸山爲第三重案故古今建都之地皆莫過於冀都蓋指今之京師地也

唐趙德鈞爲幽州節度使於幽之南六十里城閭溝而成之又於幽之東五十里城潞縣而成之二城乃幽州之門戶也閭溝卽今良鄉潞縣卽今通州

京師瀕大海在秦始皇時起黃腫瑯琊之粟轉輸北河秦時海運固已通于茲矣唐杜甫謂漁陽豪俠地擊鼓吹笙竿雲帆轉遼海粳稻來東吳又云幽燕盛用武供給亦勞哉吳門持粟帛汎海凌蓬萊唐時已通吳之粟於此矣

京東至山海關西至黃花鎮爲關塞者二百一十二
爲營堡者四十四爲衛二十二爲守禦所三設分守
叅將五千燕河營太平寨馬蘭峪密雲縣黃花鎮以
管攝營堡謂之關設守備都指揮五千山海永平遵
化薊州三河以管攝衛所謂之營設總兵官一員于
三屯營以總鎮焉關設於外所以防守營立於內所
以應援其制可謂密矣此所以控御其形勢者也
劉基云元氏入主中夏佐以姚劉許律諸君子雖因
其邇于陰山以定都而地形之強實甲天下撫據全

盛幾將百年一時文章亦頗有奇氣未必非山川形
勝風氣之觀感或有以助之也至於元季四方鼎沸
而國都固猶晏然自若也蓋其東連滄海西接晉冀
前有瀾滸大陸之利北有重關天險之固若非天命
有歸其主自遜於荒而以勢利相持雖引百萬之兵
頓之堅城之下歲月之間成敗利鈍未知其勢孰爲
得失也

劉基燕都龍虎臺賦倚歟大行之山呀雲豁霧結元
氣而左蟠於赫龍虎之臺摩乾輒坤魁羣山而獨尊

其背則崔嵬突聳森岡巒而拱衛其勢則崑崙駢駢
仰星辰之可捫白虎敦圉而踞峙蒼龍蜿蜒而屈盤
仗昂首以奮角恍颯興而雲屯其北望則居庸巖嶮
烟光翠結攢峰列戟斷崖立鐵跋鳥飛而不度古木
樛以相掣其下視則漲海冲瀾飛波洗空風帆浪舶
往來莫窮想瀛洲之密邇睇三山之可通彼呼鷹戲
馬適足彰其陋而眺瞻望鳥曷足逞其雄豈若茲臺
之不事乎版築而靡勞乎土功也想其嶽岑礪礪曼
衍迤邐形高勢平背山面水巨靈獻其幽秘歸邪護

其光晷何嵩華之足吞豈岱宗之可擬此所以通光
道於上都揭神京之外壘匪松喬之敢登差乘輿之
攸止也至若四黃旣駕鹵簿旣濟方玉車之萬乘蔚
翠華之萋萋載雲罕與九旂光彩絢乎虹霓山祇執
警以廣道屏翳洒雨以清埃朝發朝於清都夕駐蹕
于斯臺明四目以遐覽沛仁澤于九垓眇軒轅之梁
甫屑神禹之會稽雄千古之盛典又何數乎方壺與
蓬萊慨愚生之多幸際希世之聖明雖未獲睹斯臺
之壯觀敢不慕乎頌聲遂作頌曰瞻彼神臺在京之

郊金城內阻靈關外包上倚天倪下鎮地軸太行為
臂滄海為腹崇臺戢戢虎以踞之羣山巖從龍以翼
之於鏘帝德與臺無窮於隆神臺與天斯同崇臺看
偉變駕爰止天子萬年以介遐祉

古香齋鑒賞袖珍春明夢餘錄卷之二

南海孔昭熙初校
順德梁振藻再校
番禺林國賡三校



古香齋鑒賞袖珍春明夢餘錄卷之三

北平孫承澤著

城池

舊幽州城在今城西南唐藩鎮城卽遼金故城也隋之天
寧寺舊在城中今在城外矣憫忠寺有舍利記唐景福元
年建其文曰大燕城內地東南隅有憫忠寺門臨康衢憫
忠寺舊在城中東南今在城外西南僻境矣
銅馬門在舊燕城東南隅卽古薊城門城有十門此其一
也昔慕容儁得奇馬名楮白厯三世四十九歲而駿逸不

減銅範其像立門外因以名門

東唐遷營州於薊樓館甚盛今二土阜尚存所謂薊門也
閭城在京西南古城基二石獸尚存

陽鄉城在京西南漢舊縣晉改長鄉今地名古縣

君子城卽舊薊城晉載記石勒每破一城必簡別衣冠洎
平幽州擢荀綽裴憲等居之號君子城

遼太宗於南京建城方三十六里崇三丈衡廣一丈五尺
敵樓戰櫓具八門東曰安東迎春南曰開陽丹鳳西曰顯
西清普北曰通天拱辰

金海陵天德二年命張洪等增廣燕城門十三東曰施仁
宣耀陽春南曰景風豐且端禮西曰麗澤顯華彰義北曰
會城通元崇智光泰

元人王堂嘉話云燕展築南城係金海陵天德二年
見蔡無可大覺寺碑史記不載蕭何修未央宮事此
非細事司馬遷漢史而不見書何謂又云燕城西南
門曰端禮有大定末劉無黨所撰左丞相唐括安禮
碑

元至元四年城京師城方六十里里二百四十步分十一

門正南曰麗正右曰順承左曰文明北之東曰安貞北之西曰健德正東曰崇仁東之右曰齊化東之左曰光熙正西曰和義西之右曰肅清西之左曰平則

按元之南城周圍五千三百二十八丈卽金之故基也金之遺址尚在所謂土城關是也人呼崇文門爲海岱宣武門爲順承阜成門爲平則仍元之舊也

明洪武元年戊申八月庚午徐中山達取元都丁丑命指揮華雲龍經理故元都新築城垣南北取徑直東西長一千八百九十丈高三丈五尺五寸至永樂十八年遣營繕

司郎中蔡信爲工部右侍郎重修益加宏壯正統四年命內臣阮安重修安交趾人一名阿留刻有營建紀至十年又以內面用土恐易頽毀乃命成國公朱勇等繕之與外面等凡九門南曰正陽南之左曰崇文右曰宣武北之東曰安定西曰德勝東之北曰東直南曰朝陽西之北曰西直南曰阜成嘉靖三十二年十月京師外城成先二十一年七月邊報日至御史焦連等請修關廂墩塹以固防守都御史毛伯溫等復言古者有城必有郭城以衛民郭以衛城常也若城外居民尚多則有重城凡重地皆然京師

尤重太祖定鼎金陵既建內城復設羅城於外成祖遷都金臺當時內城足居所以外城未立今城外之民殆倍城中宜築外城包絡既廣控制更雄且郊壇盡收其中不勝大幸從之下戶工二部議覆以給事中劉養直言時當匱乏諫止至二十九年兵事益急議築正陽崇文宣武三關廂外城不果三十二年三月給事中朱伯宸復申其說謂臣嘗履行四郊咸有土城故址環繞如規周可百二十餘里若仍其舊貫增卑培薄補缺續斷事半功倍良爲便計通政使趙文華亦以爲言上問嚴嵩嵩力贊之因命平江

伯陳圭等並欽天監官同閣臣相度形勢擇日興工上是之然慮工費浩大成功不易屢以問嵩等嵩等請自至工所視之隨上手劄言臣等今日出視城工時方修築正南一面自東及西延長二十餘里詢之各官云前此難在築基必深取實地有深至五六尺七八尺者今築基皆已出土面其板築土有纜起一二板者有築至四五板者其最高至十一板蓋地有高低培墊有深淺取土有近遠故工有難易大抵上板以後漸見效矣上曰城工必果持久方可但土質恐未堅或且先作南面待財力都裕之時再

因地計度以成四周之制可同圭詳計之於是高會圭遵
上旨議將見築正南一面城基東折轉北接城東南角西
折轉北接城西南角併力堅築刻期完報其東西北三面
候再計度以聞上允之于是年十月工完計長二十八里
命正陽外門名永定崇文外門名左安宣武外門名右安
大通橋門名廣渠彰義街門名廣寧內外兩城計堦口二
萬零七百七十二堦下砲眼共一萬二千六百有二

劉定之游梁園記梁氏園在今京師西南五六里其
外有舊城舊城者唐藩鎮遼金別都之城也元遷都

稍東于是舊城東半遂入于朝市間全無跡可見而
西半猶存號為蕭太后城即梁氏園所在也蕭太后
者遼后皆以蕭為姓有子為帝則太后別居宮城統
部屬故其亡也亦帝消之妻猶得獨存稱太后以主
其國踰年乃滅也或謂此雖遼金都城而非唐藩鎮
城不然也唐時此為范陽藩鎮安史反後改名盧龍
而所治幽州薊縣不改今移薊以名州移盧龍以名
衛各去此數百里其實唐之盧龍與薊在此也烏得
非唐藩鎮舊城乎遼金不因藩鎮以為都而易因乎

其城僅存土而甃皆為人取去今取猶未已其土皆
真黃土人取之和煤亦猶有卽之作墓者以其高堅
也

城河其源出昌平州白浮村神山泉通榆河會一畝馬眼
諸泉滙爲七里門東流環遶都城曰玉河由大通橋而下
至通州高麗莊入白河與盧溝河合長一百六十餘里元
都水監郭守敬所鑿賜名通惠河又名大通河卽潞河也
又西山玉泉從水關經越橋俗謂銀錠橋流入西苑遶宮
禁自玉河橋出入城河合流至大通橋入漕玉河橋凡三

一跨長安東街一跨文德坊街一近城垣

崇禎己卯二月內監曹化淳議京城外開河以通漕
糧自是年三月十九日起至辛巳六月所開河自土
城廣渠門起至大通橋運糧河北岸挑河長三千八
百六十二丈又東直門外關帝廟挑月河長二百七
十丈鬪虎營至關帝廟大石橋挑河長三千一百五
十一丈命內監于躍爲河工總理而以兵部司官輪
督班軍共用班軍二百三萬二千餘名五城兩縣募
夫二萬九百餘名兵部侍郎吳姓視工以爲勞費無

益且傷地脉抗疏止之尚有一萬三千五百丈未完
總理者侵冒不貲而震巽方之地勢大傷矣

南城三里河元時運河名文明河在天地壇前去通州五
十里地形高通州六丈九尺置二閘可行舟今鐵閘尚存
南城外有減水河與天壇後河相通又城之東南有兩水
磨永樂九年工部尚書吳中奏請修治

海子在府西三里舊名積水潭聚西北諸泉流入都城而
滙於此

南海子在京城南二十里舊為下馬飛放泊內有按鷹臺

永樂十二年增廣其地周圍凡一萬八千六百六十丈乃
育養禽獸種植蔬果之所中有海子大小凡三其水四時
不竭汪洋若海以禁城北有海子故別名曰南海子

楊士奇都城勝覽云正統四年重作北京城之九門
成崇臺傑宇巋巍弘壯環城之池既浚既築堤堅水
深澄潔如鏡煥然一新耆耄聚觀忻悅嗟嘆以為前
所未有蓋京都之偉望萬年之盛致也於是少師建
安楊公少保南郡楊公偕學士諸公以暇日登正陽
門之樓而縱覽焉高山長川之環固平原廣甸之衍

迺泰壇清廟之崇嚴宮闕樓觀之壯麗官府居民之
鱗次廛市衢道之棋布朝覲會同之麋至車騎往來
之全集粲然明雲霞潏然含烟霧四顧畢得之而胸
次軒豁趣與景會樂哉游也南郡公有詩諸公皆倚
和之綴輯成卷是時僕以賜告南歸不及與游既獲
觀羣什而歆艶焉皆所謂登高能賦之大夫也諷詠
之餘因慨嘆凡事之成各有其時太宗皇帝肇建北
京既立郊廟宮殿將及城池會有事未暇及也已而
國家屢有事久未暇及皇上嗣大位之五年仁恩覃

需海宇又寧始及於斯而不日成之豈非得其時者
乎夫得其時而不得其人猶未也蓋嘗聞命下之初
工部侍郎蔡信颺言於衆曰役大非微十八萬不可
材木諸費稱是上遂命太監阮安董其役取京師聚
操之卒萬餘停操而用之厚其既成均其勞逸材木
諸費一出公府之所有有司不預百姓不知而歲中
告成蓋一出安之忠于奉公勤于恤下且善爲畫也
謂事之成非繇於人乎嗟夫一事之成猶必得人則
於爲國家天下之重且大不可推見乎

詞臣張四維京師新建外城記皇上臨御之三十二年廷臣有請築京師外城者參之僉論靡有異同天子廼命重臣相視原隰量度廣袤計工定賦較程刻日於是京兆授徒司徒計賦司馬獻旅司空鳩役總以勲臣察以臺諫與夫百司庶職罔不祇嚴廼遂畫地分工授規作則制緣舊址土取沃壤寮藩輸鏹以贊工庶民子來而趨事會未閱歲而大工告成崇卑有度瘠厚有級繚以深隍覆以磚墼門墉矗立櫓樓相望魏乎煥矣帝居之壯觀也夫易垂設險守國之

文詩有未雨桑土之訓帝王城郭之制豈以勞民所以固圉宅師尊宸極而消姦伺者也國家自文皇帝奠鼎燕畿南面海內文經武緯細大畢張而外城未建者非忘也都城足以域民而外無闐闐邊氛時有報急而征馬未息故有待於我皇上之續緒而觀揚之耳夫以下邑僻陬卽有百家之聚莫不團練垣塞守望相保况夫京師天下根本四方輻輳皇仁涵育生齒滋繁阡陌綺陳比廬溢郭而略無藩籬之限豈所以鞏固皇圖永安蒸庶者哉故議者酌時勢之宜

度民情之便咸謂外城當建夫亦思慮豫防順時之道當然耳昔宋中葉武備弛矣而汴京平衍又非形勝之區其謀臣范仲淹議洛陽之城非可後者乃不見用我國家方當全盛將帥如雲重關外峙而控山帶海又非汴京者比外城之緩急可知也我皇上一聞廷臣之議卽命共工建茲丕業豈羣臣之見越於仲淹實我皇上軫念民瘼憂虞國體其視宋君之忽於忠計者萬萬不侔也以隆王者居重之威以奠下民安土之樂以絕姦宄覬覦之念豐芑貽謀苞桑

定業不亦永世滋大也哉嗚呼此固聖人因時之政不得不然者耳要我皇上之心固將率土爲城寰海爲池恬冒八荒而無此疆彼界者豈一外城之建能爲限量者哉臣謹記

孫承宗重修都重二城碑記維文皇奠鼎燕畿以建都城扼吭拊背維萬世之安我世宗肅皇帝念生齒滋繁比廬溢郭重愆庚戌之役詔從侍郎臣邦瑞議築外郭于三門凡以固圉宅師尊宸極消姦萌也今皇帝甲辰夏恒雨壞民廬舍無算城有圯於是秋七

月朔工部尚書臣某以災異上聞若曰天不忘根本肆不輯於兩城而釁於兩夫衆心爲城外頽中陷是且有土崩之象將無彌縫其闕而固吾圉也其何變之能圖蓋時報圯者方三百丈未甚也又旬日雨溢渠計圯都城且七百七十七丈有奇重城亦三百三十丈有奇而埤堦亭舍不與於是臣某再以數上聞若曰災不可玩備不可弛玩災弛備不可以寧是時皇上方以帑金十萬理民廬舍疏入不卽問乃臣某再以修葺上聞若曰刻期我惟築無寧徇故嘗而不

慮事以授豈其不秋防是虞若猶是枕象而不以聞也則少不逞卽剝戶而逸者四走無際它其誰捍禦之其若掌故何定鼎來是壙是壑有基勿壞方今千丈之瑕秋防之候卽三旬而成尚虞窺子况其平板幹稱舂築非卒辦也而繕司困億會餼糧之不具則登登之築無寧泄泄也於是天子下其議停一切小修若曰上天示儆恒兩壞垣尚亟修之固我保障毋怠無玩乃以繕部郎中臣某同員外郎臣某實專料理而科臣某臺臣某實專巡察時以行築者飭其不

勉者蓋以八月趨事明年某月告成功日發丁男若干金錢若干天子重念勞人陞賞各有差且詔臣某爲之記臣以爲城以盛民也我皇上先民居而後兩城其以鞏皇圖綏蒸庶意深遠矣然威靈遐邇夷裔率服方且極覆爲城極載爲池豈其介在藩籬是豐芑之謀不藉爲大耳不然百家之聚尚功藩垣豈其根本天下而不以備然臣竊有警也昔我肅皇帝建永定外郭而難其守臣謂守在城郭者危守在四夷者安守在民力者疎守在民心者密今天下浚膏實

之而罷力築之則民不堪曠溢災之而築繁苦之則天且若甚忍於民夫民不堪將生心而天不忍或其未忘也我皇上惕于生心而幸是未忘必且以祖宗之德澤維法度而上爲百姓守法下且爲朝廷守國頃所爲慎重而不輕用民意在斯乎夫慎重而不輕用民先王之所以爲天下也臣謹稽首頓首而爲之言銘曰皇明御宇奄有萬方燕畿奠鼎拊背扼吭文經武緯細大畢張是憑是式繫于苞桑泰有茹彙城有復隍天子曰吁其固我防乃度廣袤乃察相翔司

徒計賦乃芻乃糗司馬獻旅乃穀乃揚司空鳩役乃
飭乃獎萬雷奮萬雉雲長悅以忘勞迄可大康天
子曰都惟爾眾襄詞臣載筆俊蹟用章小臣稽首曰
惟帝光匪城不易惟守未遑過城則傾恃城則亡於
鑠帝資比於金湯惟帝念功無怠無荒億萬斯年民
悅無疆

魏大中濬濠疏邇自濬遼潰陷京都震聳仰屋聖慮
嚴諭濬濠刻期畢事維時工部尚書王佐侍郎王永
光姚思仁劄屬何玉成等畫地分任自東便門始而

科臣霍守典臺臣蘇進先事而司監察之役迄臣大
中臣文龍代受巡閱而玉成等先後報竣暨磨算有
成數矣而臣時榮復與臣文龍代夫以一百五十萬
八百一十九名計匠以一千二百八十九名計班軍
積日以三萬三千一十二名計費永衡金錢六萬一
千六百二十八兩九錢一分四釐八毫七絲五忽司
農銀一千七百三十三兩一錢三分米三千三百一
石二斗諸椿木灰磚繩斗百物及運價咸具而鐵鋤
不與焉鐵鋤以歸監督盛甲廠主事沈榮收爲甲械

之需而後受直于官者不敢以冒此一役也工有
詳畧費有多寡而時有後先土有燥濕天有晴雨餼
給有遲蚤勢亦與為難易焉易者以程工行其節用
難者以惠使鼓其子來要無不拮据瘡痍於暑雨之
中而臣等今日藉手而告成於皇上者也其有未盡
者邊烽告急經始倥偬而濠之源未求也源出玉泉
山而佃農分以為灌慨豪右壅以為園池其波及於
濠者特其餘也濠之勢未審也水自高粱橋抵都城
西北而派為二一循城之左而東而南一循城之右

而南而東宜接舊闢為地形之高下而次第布之未
可以丈尺槩也而分界任官各營其目前之咫尺於
全濠灌輸深淺之宜容有未協者矣更都城勢水獨
德勝門而西濠水南奔入關迤衍沿洄周行大內以
出玉河而今且北淤而南涸也則其脈未疏也濠之
支亦未達也嘉靖庚戌築重城以為附則濠之深廣
宜準都城而地勢既高有掘未及泉而止者更廬井
安堵而一旦議恢其故不無遷析之虞且班軍非可
以水部之官督也異日者國有暇時庫有餘積大司

空董其屬以治濠清其源審其勢疏其脈達其支而
總匯於大通橋大通而下又理葺諸閘以妙節宣蓄
洩之宜而後濠有全功也以壯金湯亦以固風氣也
若其源壅而不輸其流瀉而不收雖濬奚益矣然此
時就濠而論濠也非所論于四夷之守也臣等以與
有監察之責諸有事於濠者各以其文移會謹綴其
總數開具以聞而并及之如此

崇禎十二年四月給事中夏尚綱請停河工疏京城
創自成祖皇帝建都經野從來未有之勝使河須再

求深廣則當年物力極盛之時必先爲之嘉靖庚戌
之役始增外樓七座臣愚以爲益其上者有崇墉之
固故世宗皇帝毅然爲之而有餘浚其下者不無穿
鑿之煩故列聖仍之而不改至于地脉來龍關係尤
重桑麻廬舍毀損非少昔春秋嘗潰明城惡者棄
險之非也書浚洙明勞民者非固本之道也若不察
戶口殷耗歲時豐歉而遽勤民興作使濬之而河流
通猶慮所損已多矧又河高流淺盈涸不時斥土粗
疎旋淤旋壅究無當于險阻之用乎臣愚謂商理財

之道于今日議生必不如議節而節之最大而最得
已者莫如此河工商防患之道於今日地利不如人
和而地之不足為利徒以疲民耗財者亦莫如此河
工疏上不納以操其議者大瑞也

古香齋鑒賞袖珍春明夢餘錄卷之三

南海孔昭熙初校
順德梁振藻再校
南海孔憲賢三校



古香齋鑒賞袖珍春明夢餘錄卷之四

北平孫承澤著

畿甸

京師地屬順天府其府治卽元大都路總治舊署也先是
遼升爲京立幽都府又改爲析津府至金爲大興府元初
爲大都路號大興府官署爲宗正所據官吏辦事佛寺中
至大中監路平章政事莫吉奏請以錢四萬二千五百緡
買靈椿里周氏地計十九畝建爲公署永樂定鼎於此遂
因其署而爲順天府歷朝來皆爲京兆重地在元所轄州

九縣二十有三今領州五縣二十二洪武中微有不同據
 天文分野書載北平府支郡四涿州通州霸州薊州親領
 縣十一大興宛平良鄉永清昌平密雲舊州東安舊州固
 安舊州順義舊州香河舊州懷柔新立涿州親領縣二房
 山舊有范陽縣附郭後裁通州親領縣四三河武清寶坻
 灤縣舊州舊有潞縣附郭後裁霸州親領縣三文安大城
 保定舊有益津縣附郭後裁薊州親領縣四遵化豐潤平
 谷玉田舊有漁陽縣附郭後裁
 大興宛平在元同為赤縣畿內郡縣親領於六部故曰直

隸而順天府在輦轂下與內諸司相頡頏不以直隸稱漢
 之京兆宋之開封其權極重開封牧至以皇子領之
 舊制三品衙門用銅印順天府印用銀誠重之也其職掌
 京府之政令宣化和人勸農問俗均貢賦節徵繇謹祭祀
 閱實戶口糾治豪猾賑恤窮困清錄罪囚務察知百姓之
 所疾苦而時撫摩之歲攢實徵十載造黃冊凡賦役皆按
 冊丁產而均適之歲貢府學一人三歲合試圻府生而貢
 士焉月朔奏老人坊廂聽宣諭歲立春迎春進春耕藉田
 奉青箱播種以從覈勲戚家人季終引造帳上國有市易

平其價召商而時給之凡學校軍匠積貯牧馬柴炭河渠堤涂僧道醫藥之事宣德中令所屬地方每丁種桑棗百株官擇者老勸督天順中令於宛大二縣各設養濟院以處貧者成化六年府尹閻鐸以歲飢坐視民患不能賑濟降衢州府知府丞而下並巡城御史加罰有差府堂懸宣宗皇帝御製箴奕奕京師四方所瞻京尹之職民庶事成周之內史漢之三輔不輕畀人擇賢以付國家因之有尹有丞亦有庶僚用贊厥成茫茫區域輦轂其本王者施仁篤近舉遠爾體予懷移勤以周情必上通澤必

下流水清玉剛準平繩直母憚豪右母縱奸慝趙張邊延顯顯有規母愧古人祇我訓辭

按府尹卽秦漢內史之職掌治京師漢景帝分置左右內史武帝更名右內史爲京兆尹左內史爲右馮翊又更所謂都尉者名曰右扶風共爲三府治長安城中唐京兆府置牧一人以親王爲之五代置開封尹宋牧尹不常置太宗真宗皆常尹後設權知府一人以待制以上充典司轂下爲要劇之任

順天二字乃史思明僭位於燕之年號宋熙寧中發

地得大錢二十餘千文皆順天得一蓋順天乃其僞號得一則其錢名耳然則固不若北平二字之爲得也

萬曆二年戶部題順天府宛平大興孤貧張祿等四千五百九十四名口支領冬衣甲字庫發給布四千五百九十四疋

京師古薊門宋沈括曰余奉使至契丹界大薊茭如車其地名薊恐其因此也如揚州宜楊荊州宜荆之類荆或爲楚楚亦荆木之別名也

雷禮順天府題名記京師古設內史漢改置京兆君服銀章青綬佩水蒼玉其地居轂下憑城社者類橫恣抗法加之五方胡貊湊集緣爲奸市難格風靡所及爲萬國取則故唐宋以來選遣皆人望尹或以親王爲之小事專決大事則稟奏受成旨者刑部御史臺無輒駁異蓋肅清京師鎮撫畿甸必隆重其任有若此我聖祖定鼎金陵稽古設應天府置尹丞等官司輦轄至我文皇龍飛北平遷都改北平布政司爲順天府於永樂六年先置尹丞等官如應天以後遂

為都輦重職延今百有五十二年典守定於聖謨者
赫然具在而年久法弛事變叢生一切徵派和買之
類干沸中禁出於繩限部臺往往以勢下誘而一二
養望自全者凜不敢詰積為民蠹間有挺節廷諍以
肅清鎮撫為己任則云生事沽名九原可作安得起
國初名京兆與之論職守也哉確山受齊劉公總尹
務鈞陽穎谷馬公以丞副之慨然有槩於中思法前
修表京師因闕碑刻多訛逸復蒐輯增次具其姓名
籍貫及歷官大略鐫之於石請記於余余惟古之圖

容貌表室廬記官民使善者知思而慕之因以久其
善惡者知指而譙之因以久其惡凡以示懲勸策事
功也况自昔京兆行事得失載之史籍萬世可鏡又
不徒為一時四方取則而已唐人諺云前尹赫赫具
瞻允若後尹熙熙具瞻允若言敷政寬嚴不同其以
治稱一也又云前尹舉其綱而太簡次尹綜其目而
太密後尹毀常法而取一時之聲言寬嚴失宜均之
為世所譏今二公坦易相符政不務苛細而繩檢截
然人方以赫赫熙熙並譽迺又即其前刻於石者時

觀省焉孰爲秉忠勵世戢豪右於黎庶如趙張在漢
吳許在唐包范歐陽在宋毅然思齊如摳衣侍教於
一堂則彈壓所加奸恣斂縮而仁惠沾濡民若更生
自足以重京輦則四方矣達之畿輔相與歌頌曰前
有某公後有二公固不待睹石刻知名而聲稱不朽
將與古名京兆並傳彼愒時巧宦如仲方黎幹之脂
媚尹丞不輯如行餘棲楚之相訕不無其人而重以
爲戒獨非成事之師也哉愧予前尹順天不足爲後
人景法而附紀於此亦竊載名之榮云

葉向高順天府題名記令甲三歲一計吏治自岳牧
以至尉史鱗集於闕庭而京兆實攝郡事綱紀之意
蓋云維茲郡吏其式化於王畿故郡吏之視京兆不
啻望表赴鵠夫內備列卿而外倡九牧秩尊而於民
親則無如京兆者二百年來名公鉅卿多由茲奮確
山劉公嘗刻其名於石而司空豐城雷公爲之記歲
久石溢今尹廣陵錢公少尹關西劉公龔石續紀而
以記屬余夫司空嘗官京兆宜能言京兆余越俎而
譚非其任矣然余有職於掌故不能辭則嘗取司空

言讀之若慨然有慕於國初諸臣之丰裁而惘切於
年來因循叢蠹之非是其為京兆規不啻詳矣余惟
國家初造耳目雖新聲靈震乎遐陬而功令肅於庶
府京邑翼翼四方之極奉職順流亦可以為理故其
治易也其後龔恬承熙輦轂之下日膏沐灑滅於太
平之休澤寢以慮惰而五方殊技輻湊灌輸奔命於
上國都市之政雜而多端奸日萌生治稍難焉又其
後則恬熙益深耗蠹愈甚九閭之聽既高而豐蔀之
勢易壅郊圻之內若隔萬里勢家寺人作奸犯科官

府之憲令闕軼而不行因循則虞偷操斷則虞掣繩
墨周密曰不暇給京兆之難治遂為天下最矣蓋嘗
總郡國之政論之其在開創則外難而內易何者依
日月者愈近而愈易為光也其在承平則外易而內
難何者憑城社者愈近而愈易為蠹也方司空時去
國初纔百五十年度事揆勢已異昔日馴至於今又
數十年矣職京兆者其感慨歎息當抑又甚焉弊久
則窮窮則復思其始今日之京兆亦起弊反始之一
時已在漢以賢京兆稱者則趙張三王然大都皆以

精嚴爲理而治行第一之黃次公一受事而輒謝去
此何以故本始元康而後漢當極盛宦戚漸滋五陵
豪少負緣恣睢浸不可問如史所稱吏民懈弛桴鼓
數鳴塵縣官憂此其時亦稱難治而次公一切以郡
國寬和之法行之宜其格矣故夫勢有宜乘化有宜
更難易之形殊不可以一術操也要於補偏苴漏酌
緩急之施疏宣底滯無所壅闕惠京師以綏四國斯
惟尹之任而稱乎其爲羣吏表已今天子神聖加意
三輔赫然有願治之思而錢公劉公皆當世名臣協

古香齋書目卷四

七

力同心以理京兆將見畿甸太和百度咸修寧復有
如司空之所慨也者夫敷之相禪貞下起元彈冠振
衣猶從其新而况躬奉寵靈爲郡國首者乎是名之
新題或亦事之適相符者予故樂爲之記以請於二
公若夫建置之由事權之重寬嚴忠佞之不同足以
鑒往詔來語具司空記中在事者業稔聞之矣

古香齋鑒賞袖珍春明夢餘錄卷之四

古香齋書目卷四

八

古香齋寶袖珍春明夢餘錄卷之五

南海孔昭熙初校
順德梁振藻再校
南海孔憲賢三校



古香齋寶袖珍春明夢餘錄卷之五

北平孫承澤著

城坊

京師雖設順天府兩縣而地方分屬五城每城有坊中城曰南薰坊澄清坊仁壽坊明照坊保泰坊大時雍坊小時雍坊安福坊積慶坊東城曰明時坊黃華坊思城坊居賢坊朝陽坊南城曰正東坊正西坊正南坊宣南坊宣北坊崇南坊崇北坊西城曰阜財坊金城坊鳴玉坊朝天坊河漕西坊關外坊北城曰崇教坊昭回坊清泰坊靈椿坊登

古香齋寶袖珍春明夢餘錄卷之五

祥坊金臺坊教忠坊日中坊關外坊每城設御史巡視所
轄有兵馬指揮使司設都指揮副都指揮知事後改兵馬
指揮使設指揮副指揮革知事增吏目選於吏部昔宋以
四廂都指揮巡警京城神宗置勾當左右廂公事民間謂
之都廂元設警巡院三至元四年省其一止設二院分領
坊市民事卽今之巡城察院也

王瓊京師捕盜事宜議竊議得京師內外先年設立
五城兵馬指揮使職專禦風火察姦盜及錦衣衛官
校巡警夜禁緝捕盜賊監察御史巡城禁革姦弊在

外通州良鄉等處各設有軍衛委官巡捕其後通州
等處又設分守涿州良鄉又設守備又三年一次差
御史錦衣衛官分路巡捕弘治元年爲因盜賊生發
奏准於三千營選撥官軍一百員名於彰義門外義
井兒及良鄉縣并清河高碑店四處每處二十五名
隄備盜賊正德初年京城內添設把總官二員委官
八員各分地方每委官一員管領馬軍二十四名步
軍二十五名共四百員名京城外添設把總官二員
每員領有馬官軍五十員名委官七員每員管領馬

軍六十名共四百二十名正德十年會議京城內每
委官一員各添馬軍二十五名步軍二十五名共軍
七百九十二名馬四百匹京城外每委官一員各添
一百名共軍一千一百二十名馬一千一百二十四
把總并委官俱一年一換城外把總該領官軍全給
盔甲每巡馬軍給與一半八十副今年又奏差工部
右侍郎趙璜專一整飭武備挑選河間等衛舍餘交
與分守通州都指揮袁傑及涿州守備崔澄亦添發
官軍各給與馬匹嚴謹巡捕壩上良鄉等處正係袁

傑崔澄等該管地方立法不為不密責任不為不專
但京城內外人烟湊集游食者多壩上良鄉等處軍
民艱窘差役繁重以此盜賊隨捕隨發難得盡絕自
去年本部會官議添巡捕官軍數多定擬條格賞罰
嚴明又給盔甲火器馬匹草料以此一年之間把總
官捉獲強盜二百餘名錦衣衛坐委官校及各該緝
事衙門亦皆緝捕數多奈何世情艱難財重命輕致
塵聖慮屢降明旨著落官軍用心挨拏未得寧息今
又奉旨令臣從長議處停當奏來定奪臣等愚見若

欲從長計議處置停當必先撫恤軍民輕徭薄賦人
得安生則盜賊自少前項節年議處捕盜事宜已極
周密今若不先撫安專立嚴法搜捉擒捕誠恐法網
太密致有激變前代漢武帝時爲因山東盜起遣官
衣繡持節發兵擊斬至萬餘級盜賊愈滋至不可禁
正德四年添設巡捕御史帶領家眷專督捕盜法網
嚴密賊勢愈熾兇惡之徒乘機倡亂肆行劫掠至動
邊軍入勦逾年始平是其明驗以故捕盜之法固不
可寬縱亦不可太嚴今將弭盜根本及先年捕盜事

件開查明白合無照依弘治元年事例本部會同錦
衣衛并六科十三道掌印官再行計議應否施行奏
請定奪正德十一年十二月十三日具題奉旨是這
先年捕盜事宜恁每還會官議處了來說
左都御史孫丕揚議久御史巡城之任疏臣觀居重
要地執五城最哉巡視御史故事不專爲喧鬧設者
事有姦弊依法送理正統間例也禁約賭博緝捕盜
賊坐舖火夫究問優免成化間例也查問九門官吏
多勒索商財物弘治間例也訪察叅奏打點饋送嘉

靖間例也至於禁止科歛詐騙裁抑豪橫姦頑安恤
孤獨良善懲創奢侈遊戲舉劾兵馬善惡何莫非御
史事哉臣謂專責成便御史必用實授替差必劄一
年憲度必期力舉務相率而專心城務以遏此城社
之狐鼠救此輦輶之瘡痍而又省其外班以杜請託
立為歲冊以報滿政斯都人蝟冗之穀絲蠶食之輻
湊可冀彈壓之有資矣

附載元人王惲彈兵馬司文切見在都兵馬司設馬
步軍五百人係專一警捕衙門自去年至今年三月

終強竊盜賊計六十餘起致有殺傷事主劫掠財物
及本司公廨下為盜者蓋當該官兵不為用心滋多
如此三限不獲行下取招並不回報其都轄上司縱
令滅裂虛作行移亦不申明賞罰是作過之人無法
可畏教之公行也都城輦輶之下庫藏倉廩諸所在
萬一窺竊深繫利害又間有敗獲賊徒除事關權勢
不能歸結者才方申上自餘無問輕重輒便鞫問斷
遣豈惟使司越職竊弄威權但恐中間姦弊日滋實
為事害兼是司自來並無囚繫鞫問斷遣之理今後

合無令兵馬司據應獲盜賊略行取問即便解府歸
結施行外據失盜起數已獲者賞未獲者罰如此庶
望上無縱恣虛行之失下革違錯自專之弊賞罰既
明民知所畏京畿之間不待歲月作過之人將自消
弭據此合行糾呈


古香齋鑒賞袖珍春明夢餘錄卷之五

南海孔昭熙初校
順德梁振藻再校
番禺林國廣三校



古香齋鑒賞袖珍春明夢餘錄卷之六

六



古香齋鑒賞袖珍春明夢餘錄卷之六

宮闕

北平孫承澤著

燕中宮闕古不可考當自遼始遼史載其略云南京析津府本古冀州之地高陽氏謂之幽陵陶唐曰幽有虞析為幽州商復為冀州周職方東北曰幽州武王封太保奭於燕漢為燕國廣陽國後漢為廣陽郡隋為幽州總管唐置大都督府改范陽節度使晉高祖以遼有援立之勞割幽州等十六州以獻太宗升為南京又曰燕京城方三十六

古香齋鑒賞袖珍春明夢餘錄

卷六

一

里崇三丈衡廣一丈五尺敵樓戰櫓具八門東曰安東迎春南曰開陽丹鳳西曰顯西清普北曰通天拱辰大內在西南隅皇城內有景宗聖宗御容殿二東曰宣和南曰大內內門曰宣教改元和外三門曰南端左掖右掖左掖改萬春右掖改千秋門有樓閣毬場在其南東爲永平館皇城西門曰顯西設而不開北曰子北西城巔有涼殿東北隅有燕角樓坊市解舍寺觀蓋不勝書其外有居庸松亭榆林之關古北之口桑乾河高粱河石子河大安山燕山中有瑤瑈府曰幽都軍號盧龍開泰元年落軍額

宋王曾奉使錄略曰自雄州白溝驛渡河四十里至新城縣右督亢亭之地又七十里至涿州北渡涿水范水劉李河六十里至良鄉縣渡盧溝河六十里至幽州號燕京子城就羅郭西南爲之正南曰啓夏門內有元和殿洪武殿東門曰宣和城中坊門皆有樓有憫忠寺本唐太宗爲征遼陣亡將士所造又有開泰寺魏王耶律漢寧造皆邀朝士遊觀城南門外有於越王解爲宴集之所門外永平館舊名碣石館請和後易之南卽桑乾河

按遼之正殿曰洪武元之正殿曰大明是後之國號
年號已見于此誰謂非定數也

金宮城史載海陵煬王遣左右丞相張浩張通古左丞蔡
松年調諸路夫匠築燕京宮室皇城周九里三十步自天
津橋之北曰宣陽門中門繪龍兩偏繪鳳用金釘釘之中
門唯車駕出入乃開兩偏分雙隻日開一門過門有兩樓
日文曰武文之轉東曰來寧館武之轉西曰會同館正北
曰千步廊東西對焉廊之宇各有偏門向東曰太廟向西
曰尚書省至通天門後改名應天樓高八丈朱門五飾以

金封東西相去一里餘又各設一門左曰左掖右曰右掖
內城之正東曰宣華正西曰玉華北曰拱辰及殿凡九重
殿凡三十有六樓閣倍之正中位曰皇帝正位後曰皇后
正位位之東曰內省西曰十六位乃妃嬪居之西出玉華
門曰同樂園若瑤池蓬瀛柳莊杏村皆在焉都城四圍凡
七十五里城門十二每一面分三門其正門四旁又設兩
門正東曰宣曜陽春施仁正西曰顯華麗澤彰義正南曰
豐宜景風端禮正北曰通元會城崇智此四城十二門也
此外有宣陽門即內城之南門也上有重樓制度宏大三

門並立中門常不開惟車駕出入通天門即內城之正南門也四角皆垛樓瓦皆琉璃金釘朱戶五門列焉常扇惟大禮祫享則由之宣華乃內城之正東門玉華正西門也左掖東偏門右掖西偏門各有武夫守衛拱辰即內城正北門也又曰後朝門制度守衛與玉華宣華等金碧疊飛規模宏麗矣

范石湖攬轡錄其略云興陵見宋使儀衛戊子早入見循東西御廊北行廊幾二百間廊分三節每節一門將至宮城廊即東轉又百許間其西亦然亦有三

門出門中馳道甚闊兩傍有溝上植柳廊脊皆以青琉璃瓦覆宮闕門戶即純用之北即端門十一間曰應天之門下開五門兩挾有數如左右昇龍之制東西兩角樓端門內有左右翔龍門曰華月華門前殿曰大安殿使人自左掖門入北循大安殿東廊入數德門東北行直東有殿宇門曰東宮直北西南列三門中曰書英是故壽康殿母后所居西曰會通門自會通北入承明門又北則昭慶門東則集禧門尚書省在門外東西則左右嘉會門門有樓即太安殿後

門之後至幕次黑布拂廬侍班有頃入宣明門卽常
朝後殿也門內庭中列衛士二百許人帖金雙鳳幟
頭團花紅錦衫散手立入仁政隔門至仁政殿下團
鳳大花氈可半庭殿兩傍有朵殿朵殿上兩高樓曰
東西上閣門兩廊悉有簾幙中有甲士東西御廊循
簷各列甲士東立者紅茸甲金纏竿槍黃旗畫青龍
西立者碧茸甲金纏竿槍白旗畫黃龍至殿下皆然
惟立於門下者錦袍持弓矢殿兩階雜列儀物幢節
之屬如道家醮壇威儀之類使人由殿下東行上東

階却轉南由露臺北行入殿闕謂之欄子金主幟頭
紅袍玉帶坐七寶榻背有龍水大屏風四壁帟幕皆
紅綉龍拱斗皆有繡衣兩檻間各有焚香大金獅蠻
地鋪禮佛毯可一殿兩傍玉帶金魚或金帶者十四
五人相對列立遙望前後殿屋崛起甚多制度不經
工巧無遺力煬王亮始營此都規摹出於孔彥舟役
民八十萬兵夫四十萬作治數年死者不可勝計
金朝北京營制宮殿其屏展窓牖皆破汴都輦致於
此汴中工匠有名燕用者製作精巧凡所造下刻其

名及用之於燕而名已為先兆

元大都宮殿考宮城週迴九里三十步東西四百八十步南北六百十五步高三十五尺分六門正南曰崇天左曰星拱右曰雲從東曰東華西曰西華北曰厚載舊記曰南麗正門內千步廊可七百步建靈星門門建蕭牆週迴可二十里俗呼紅門闌馬牆門內二十步有河上建白石橋三座名周橋橋四白石龍擎載旁畫高柳鬱鬱萬株遠與城內海子西宮相望及橋可二百步為崇天門門外有五總建關樓其上連內觀旁出為十字角樓其左有門為東

華右為西華中為大明門仍旁建掖門繞為長廡中抱丹墀之半左右為文武樓與廡相連中為大明殿乃登極正曰壽節會朝之正衙也殿後連為主廊十二楹四周金紅鎖窓連建後宮廣三十步殿半之後有寢宮俗呼為擎頭殿東西相向至冬則自殿外一周皆籠護皮帳夏則黃油絹幕內寢屏幃重覆帷幄而後裹以銀鼠席地皆編細簞上架深紅厚氈後覆茸單宮後連抱長廡以通前門以貯妃嬪而每院間必建三楹東西相向為繡榻廡後橫亘道以入延春宮丹墀皆植青松即萬年枝也置金酒海前後

列紅蓮牀其上爲延春閣後仍爲主廊東有文思小殿西有紫檀小殿寢東有玉德殿又東有宣文閣旁有秘密堂西有鹿頂小殿前後散爲便門高下分引而入更爲別殿飛甍數座又後爲清寒宮宮後引抱長廡遠連長春宮其中皆以處嬖幸也又後爲厚載門上建高閣東百步有觀星臺臺傍有雪柳萬株臺西爲內浴室有小殿在前由浴室而出內城臨海子廣可五六里駕飛橋於海中起瀛洲之殿後引長橋上萬歲山山高可數十丈東臨太液池西北皆俯瞰海子下有故殿基尚存金主圍棋石盤山半有

方壺殿又爲呂公洞洞上數十步爲金露殿由東而上爲玉虹殿殿前有石岩如屋繞層闌登廣寒殿內列二十四楹出爲露臺繞以白石闌道旁有鐵竿數丈上置金葫蘆三引鍊練以繫之乃金章宗所立以鎮其下龍潭山下萬柳中有浴室前有小殿爲穴中盤雙龍昂首共吐一丸於上注以溫泉自瀛洲外城西度飛仙橋上入明仁殿半臨遼河河流引自瀛洲西邃地而出繞延華閣達於興聖宮復西折禿樂斯后老宮而出抱前苑東下於海子約遠三四里新殿後有二水晶圓殿中有修衢長橋遠而升懿德

殿橋傍二石柱度橋前苑入懿德殿主廊寢宮亦如前制
乃建都之初基也山後仍爲寢宮連以長廡廡後西繞遼
河東流水出便門走繞東北又繞紅牆入紅門可二十步
許爲光天門仍闢左右掖門而繚以長廡中爲光天殿殿
後穿廊如前但廊後高起隆福宮左右後三向皆爲寢殿
殿東有沉香殿長廡環抱又後爲興聖宮中建小直殿引
遼河分流繞其下勢以白石翼爲仙橋四起鎖窓而抱綵
樓樓後東西爲日月殿後又有禮天臺高跨殿上又少東
有流杯亭又少東出便門步遼河入明仁殿後爲延春閣

規制高大與延華相望四面皆臨花苑苑東有端本堂又
東爲棕毛殿少西出掖門爲慈仁殿又後苑中爲金殿四
外盡植牡丹百餘年高可五尺又西有翠殿又有花亭毬
閣金殿前有野果名紅姑娘外垂絳囊中空有桃子如丹
朱苑外重繞長廡廡後出內牆東連海子以接厚載門

元世祖思創業艱難取所居之地青草置於大內丹
堦之前謂之誓儉艸司農達不花詩墨河萬里金沙
漠世祖深思創業難却倚闌干望青草丹堦留與子
孫看

明太宗永樂十四年車駕巡幸北京因議營建宮城初燕
邸因元故宮卽今之西苑開朝門于前元人重佛朝門外
有大慈恩寺卽今之射所東爲灰厰中有夾道故皇墻西
南一角獨缺太宗登極後卽故宮建奉天三殿以備巡幸
受朝至十五年改建皇城於東去舊宮可一里許悉如金
陵之制而弘敞過之按金陵宮殿作於吳元年門曰奉天
三殿曰奉天曰華蓋曰謹身兩宮曰乾清坤寧四門曰午
門東華西華元武至洪武十年改作大內午門添兩觀中
三門東西爲左右掖門奉天門之左右爲東西角門奉天

殿之左右曰中左中右兩廡之間左文樓右武樓奉天門
外兩廡曰左順右順及文華武英二殿至二十五年建金
水橋及端門承天門樓各五間長安東西三門北京宮殿
悉倣其制永樂十五年起工至十八年三殿工成十九年
辛丑四月初八日庚子災

新宮旣遷舊內東華門之外逼近居民喧囂之聲至徹禁
鑼宣德七年始加恢擴移東華門於河之東遷民居於灰
厰西之隙地正統五年三月建三殿兩宮六年九月工成
嘉靖三十六年丁巳四月十三日奉天等殿門災是日申

刻雷雨大作戊刻火光驟起由正殿延燒至午門樓廊俱盡次日辰刻始熄三十七年七月大朝門等工成四十一年三殿成改奉天殿曰皇極殿門曰皇極門華蓋殿爲中極謹身殿爲建極文樓曰文昭武樓曰武成左順門曰會極右順門曰歸極東角門曰弘政西角門曰宣治又改乾清右小閣曰道心左門曰仁蕩右門曰義平正德九年兩宮災萬曆二十四年丙申三月乾清坤寧災二十五年二月重建是年六月十九日三殿災天啓五年二月起工至七年八月初二日三殿工成共用銀五百九十五萬七千

五百十九兩餘

皇城外圍牆三千二百二十五丈九尺四寸其門凡六曰大明門曰長安左門曰長安右門曰東安門曰西安門曰北安門俗呼曰厚載門仍元舊也牆外紅舖七十二登聞鼓院在長安右門外

紫禁內城牆南北各二百三十六丈二尺東西各三百二丈九尺五寸其門凡八曰承天門曰端門曰午門即俗所謂五鳳樓也東曰左掖門西曰右掖門再東曰東華門再西曰西華門向北曰元武門牆外紅舖三十六

午門之內曰皇極門左曰弘政門右曰宣治門旁曰歸極門曰會極門皇極門內東曰文昭閣西曰武成閣上曰皇極殿中曰中極殿後曰建極殿所謂三大殿也中極滲金圓頂如穿堂之制建極殿後曰雲臺門東曰後左門西曰後右門亦名曰平臺又東則景運門西則隆宗門中則乾清門上則爲乾清宮崇禎元年八月初四日題敬天法祖牌東暖閣曰昭仁殿西暖閣曰弘德殿左曰日精門右曰月華門曰端凝殿曰懋勤殿左小門曰龍光右小門曰鳳彩西御懋房萬厯中更壽安居乾清宮後披簷東曰思政

軒西曰養德齋中圓頂則交泰殿上則曰坤寧宮皇后所居坤寧東露頂曰貞德齋西露頂曰養正軒東披簷曰清暇居北圍廊曰遊藝齋左曰景和門右曰隆福門再北左曰端則門右曰基化門便接瓊苑左右門矣此中一路之大略也

乾清宮後過曰精門之東曰崇仁門稍南則曰奉慈殿萬厯中改東裕庫曰弘孝殿崇先殿改爲神霄殿曰精門往北曰順德北門則東一長街也再北向西與龍光門斜對者曰咸和左門向南者曰景仁宮其東則東一長街也南

首曰麟趾門北首曰千嬰門麟趾門之東曰延禧宮曰怡
神殿再東曰嘉德左門再東曰蒼震門咸和左門之北向
西與景和門相對者曰廣和左門向南者曰承乾宮東宮
貴妃所居東一長街之東曰永和宮廣和左門之北向西
與端則門相對者曰大成左門向南者曰鍾祥宮皇太子
所居後改興龍宮東二長街之東曰景陽宮千嬰門之北
並列者則乾東之房五所宮正司六尚局皆在乾清宮之
東此東一路之大略也

乾清宮後過月華門之西曰遵義門向南則養心殿西南

則祥寧宮宮前向北者曰無梁殿嘉靖中元修之所月華
門之西南者曰隆道閣原名道心閣下曰仁德堂東曰忠
義室曰仁蕩門曰義平門西南則慈寧宮矣月華門往北
曰順德右門則西一長街也再北向東與鳳綵門斜對者
曰咸和右門向南者曰毓德宮原名長樂宮後又改永壽
宮則西二長街也北首曰百子門南首螽斯門西曰啓祥
宮原名未央宮內二石坊北曰聖本肇初南曰元德永衍
蓋與獻帝所生之地也再西曰嘉德右門曰隆德殿祀三
清諸神左有容軒右無逸齋配殿左曰春仁右曰秋義再

西北曰英華殿有菩提樹二株北則北角井再西則咸安宮咸和右門之北向東與興福門相對者曰廣和門向南者曰翊坤宮西宮貴妃所居西二長街之西曰永寧宮後改長春宮廣和右門與基化門相對者曰大成右門向南者曰儲秀宮西二長街之西曰咸福宮又後則乾西之房五所此西一路之大略也

坤寧宮所謂中宮也宮後則為後苑欽安殿在焉曰天一門萬春亭千秋亭對育軒清望閣金香亭玉翠亭樂志齋曲流館四神祠有假山曰堆繡山山亭曰御景池亭二東

曰浮碧西曰澄瑞萬曆十一年修東南曰瓊苑左門西南曰瓊苑右門欽安殿後曰順貞門此外則元武門矣皇極門之東曰會極門門東曰文華殿中懸神宗御書學二帝三王治天下大法十大字有精一堂恭默室九五齋殿之後曰玉食館西北曰省愆居殿之西曰崇本門殿之後曰刻漏房銅壺驗時之所殿東向後開門者曰聖濟殿御用藥餌之所再則徽音門亦曰麟趾門其內則慈慶宮又奉宸宮勗勤宮承華宮昭儉宮麟趾門之東曰關雎左門西曰關雎右門再西曰元輝殿再北朝南者曰寶善門

迤東曰慈慶宮後門門之外曰奉先殿卽內太廟也街東則隆祀門其內則外東裕庫也又東北並列二門曰履順蹈和則一號殿仁壽宮之門內有熾鸞宮皆鳳宮宮妃養老之處自寶善門亦可通元武門其中之門則蓮花門也皇極門之西曰歸極門門西曰武英殿殿西曰大庖曰尚膳監東北曰思善門曰仁智殿西南曰御酒房又北曰慈寧門嘉靖十五年以仁壽宮故址并撤大善殿建慈寧宮過慈寧宮皆內侍直房再北過長庚橋則元武門矣紫禁內城之外北安門東曰黃瓦東門街南曰尚衣監街

北曰司設監再東酒醋麵局曰內織染局曰皮房紙房曰針工局曰巾帽局曰火藥局再東稍南曰供用庫曰番經廠曰漢經廠曰司苑局曰鐘鼓司再南曰新房曰都知監曰司禮監曰御馬監再南曰柈子房北膳房南膳房曰煖閣廠曰明器廠曰混堂司曰尚膳監曰百花房曰印綬監曰中書房曰蹴圓亭曰內承運庫曰外馬房過東上北門東曰彈子房曰學醫讀書處曰光祿寺曰匏頭房自東上南門之東曰重華宮制度如乾清宮有中路有兩長街中路門曰永泰昭祥端拱昭德重華廣愛咸熙肅雍康和麗

春殿曰重華圓殿閣曰清和館曰迎春東長街門曰廣順
中和景華宣明景明殿曰洪慶西長街門曰興善麗景長
春清華高明宮曰寧福延福嘉福明德永春永寧宜春宜
喜延春又東則內承運庫再東南則崇質宮俗云黑瓦殿
景泰年間英宗居此所謂南城也再南則皇史宬藏貯歷
朝宸翰及實錄左右小門曰懋歷再東則追先閣欽天閣
嘉靖中御製欽天頌石碑再南則御作也皇史宬之西過
觀心殿稍南則嘉樂館東爲蒼龍門南爲丹鳳門中爲龍
德殿左右曰崇仁廣智北有橋玲瓏精巧來自西域橋之

南北有飛虹戴鰲兩坊大學士姜立綱書東西有大光雲
彩二亭又北疊石爲山曰秀巖山上有圓殿曰乾運其東
西二亭曰凌雲御風山後有佳麗門又後爲永明殿最後
爲圓殿引流水繞之曰環碧再北則玉芝宮門曰寶慶曰
芝祥曰景神殿曰永孝殿曰大德殿其東牆外則觀心殿
也自皇史宬東西有門通河河上有湧福閣原名溢輝稍
北則呂梁洪東安橋再北橋亭曰涵碧又北曰回龍觀其
殿曰崇德觀內海棠每春開如堆繡

北安門內街東曰安樂堂內官有疾者移此再南黃瓦西

門之裏則內官監也過北中門迤西則白石橋萬法殿大
高元殿吳真閣胡靈軒象一宮等處皆供奉仙道過北中
門之南曰壽皇殿曰北果園東曰永壽殿曰觀德殿習射
處也南則萬歲山山高一十四丈樹木蒼鬱有毓秀壽春
長春翫景集芳會景諸亭山下一洞曰壽明殿曰觀花曰
永壽樓曰翫春閣曰萬福永康延寧山前門曰萬歲再南
曰北上門左曰北上東門右曰北上西門再南過北上門
則元武門北上西門之西則石作又西曰乾明門曰兵仗
局曰袍房曰舊監庫曰尚膳外監甜食房曰西上北門其

東則西下馬門矣過西上南門則御用監又南曰靈臺曰
寶鈔司自西中門之西則尚寶監鷹房司再西出西苑門
迤南向東曰灰池曰樂成殿有水碓水磨河之西曰昭和
殿曰紫光閣曰陽德門曰萬壽宮曰旋磨臺即兔兒山也
曰無逸殿曰幽風亭金海橋之北曰玉熙宮曰承華殿曰
元禧殿曰寶月亭曰清馥殿曰玉媽媽井橋之東北金之
瓊花島至元八年賜名萬歲山俗呼為蕭太后梳粧樓者
誤也山皆奇石疊成中三殿中曰仁智左曰介福右曰延
和至其頂為廣寒殿左右四亭曰方壺瀛洲玉虹金露山

北有殿臨池曰凝和二亭臨水擁翠飛香西北有殿用草
曰太素後草亭曰歲寒左軒臨水曰遠趣前草亭曰會景
西岸南行有亭臨水曰映輝又南有殿臨池曰迎翠有亭
臨水曰澄波又西東小山引泉噴激曰水簾有殿曰翼然
再南則曰南臺有殿臨水曰昭和瓊花島東南曰圓殿卽
承光殿有古松三株曰金水橋有坊二一日金鰲一日玉
螭再南曰五雷殿卽椒園也寶銖成焚草於此由金水橋
玉熙宮迤西曰櫺星門迤北曰羊房夾道虎城再西曰西
酒房曰花房曰經殿曰大光明殿曰大極殿曰洗帛殿曰

果園殿曰中字十庫曰司鑰庫曰惜薪司曰鴿子房曰西
安門

皇城內河來自玉泉山經高粱橋分而爲二一灌城隍一
從德勝水關滙入後湖至藥王廟西橋下流入禁地所謂
西苑太液池也池水又分爲二一環繞靈臺寶鈔司東與
護城河合流過長安右門之北經承天門前再東過長橋
左門之北自湧福閣下從巽方流出經玉河橋與城河會
一自元武門之西從地溝入由懷公門過長庚橋裏馬房
橋經仁智殿西御酒房東武英殿前思善門外皇極殿前

文華殿西而北而東自慈慶宮外南從地溝亦至巽方而出會于玉河橋

附載宮殿額名考

中路

大明門扁

長安左門無扁

長安右門無扁

承天之門牌

廟街門牌

社街門牌

太廟牌

社稷壇無扁

端門牌

神廚門牌

社左門牌

闕左門牌

闕右門牌

午門牌

左掖門扁

右掖門扁

左順門更會極門牌

右順門更歸極門牌

奉天門更皇極門牌

東角門更弘政門牌

西角門更宣治門牌

文樓更文昭閣扁

武樓更武成閣扁

奉天殿更皇極殿牌

華蓋殿更中極殿牌

謹身殿更建極殿牌

已上左順門起俱嘉靖四十一年七月十三日更

皇朝通志卷之六

七

中左門牌

中右門牌

後左門牌

後右門牌

景運門牌

隆宗門牌

乾清門牌

乾清宮牌殿內敬天法祖牌

崇禎元年八月初四日懸安

東暖殿萬曆十一年閏二月添額名弘德殿本年四月初

七日更昭仁殿扁

西暖殿萬曆七年五月十五日添額名離肅殿萬曆十

年四月初七日更弘德殿扁

日精門牌

月華門牌

端凝殿嘉靖十四年七月初二日添額

懋勤殿嘉靖十四年七月初二日添額

龍光門牌

鳳彩門牌

西御懋房萬曆二十二年十月初三日更壽安居添額萬

曆三十二年正月二十九日去額不懸

乾清宮後披簷東思政軒扁西養德齋扁俱崇禎五年四

月二十日安

中圓殿更交泰殿扁嘉靖十四年七月初二日添額

皇朝通志卷之六

七

景和門牌

隆福門牌

方殿萬曆三十二年正月二十九日添額萬曆四十年十月二十五日拆方殿改造壽安殿泰昌元年十月二十六日拆

坤寧宮嘉靖十四年七月初二日添額東露頂安德齋改貞德齋崇禎六年四月二十四日安扁西露頂養正軒崇禎七年八月二十五日安扁東披簷清暇居崇禎五年十月二十三日安扁北圍廊遊藝齋崇禎五年十月二十三日安扁

永祥門

增瑞門俱萬曆二十五年二月十一日添額

月十一日添額

基化門牌

端則門牌

廣運門東坤寧門嘉靖十四年七月初二日添額

欽安殿牌

天一之門嘉靖十四年四月十一日添牌

十一日添牌

萬春亭牌

千秋亭牌

已上二亭嘉靖十五年十二月初一日添牌

對首軒嘉靖十四年五月初十日更玉芳軒添牌

四神祠牌

觀花殿萬曆十一年閏二月二十五日拆去壘菜石山子
券門石扁名堆秀山子上蓋亭子一座牌名御景亭
東西兩邊魚池二池上蓋亭子東邊牌名浮碧亭西
邊牌名澄瑞亭已上萬曆十一年三月初二日添蓋

清望閣牌

金香亭牌

玉翠亭牌

已上嘉靖十五年十二月初一日添牌

樂志齋曲流池萬曆十九年閏三月十九日拆西連房添

蓋扁

承光門牌

集福門牌

延和門牌

坤寧門更順貞門嘉靖十四年七月初二日添牌

東長街

景和門更順德左門牌

迎祥門更崇仁門牌

百福門更咸和左門扁

千祥門更廣生左門扁

長慶門更大成左門扁

皇明嘉靖十四年十月初九日更

長寧門更長寧左門牌

嘉福門更瓊苑東門牌

已上七門嘉靖十四年十月初九日更

長安宮更景仁宮牌

景仁門牌

惟和亭扁

從善亭扁

長壽宮更延祺宮牌

延祺門牌

集瑞亭牌

瑞安左門牌

瑞安右門牌

永寧宮更承乾宮崇禎五年八月十二日安牌

承乾門牌

東配殿崇禎七年八月二十五日安貞順齋扁

西配殿崇禎七年八月二十五日安明德堂扁

永安宮更永和宮牌

永和門牌

咸陽宮更鍾粹宮牌

鍾粹門牌

隆慶五年十一月二十日鍾粹宮前殿更與龍殿牌

後殿添聖哲殿牌後小院添龍德齋扁

長陽宮更景陽宮牌

景陽門牌

已上六宮嘉靖十四年五月初十日更

怡神殿萬曆三十九年四月十九日被燬萬曆四十二年

五月初二日拆西城清虛殿連房四添蓋連房 怡

神門萬曆三十九年四月十九日被燬

玉食廚牌

東宮門更蒼震門嘉靖十四年八月二十三日更牌

嘉德門更嘉德左門嘉靖十四年十月初九日更牌

壽春門更麟趾門 慶安門更千嬰門

已上二門嘉靖十四年八月二十三日更牌

東頭一所扁

東第二所扁

東第三所扁

東第四所扁

東第五所扁

東一長街

衍福門扁

迎瑞門扁

德陽門扁

履和門扁

西長街

順德門更順德右門牌

膳廚門更遵義門牌

廣安門更咸和右門扁

廣生門更廣生右門扁

大成門更大成右門扁

麗景門更長寧右門牌 隆德門更瓊苑西門牌

已上七門嘉靖十四年十月初九日更名各添懸扁額

龜斯門牌

百子門牌

長樂宮更毓德宮牌萬曆四十四年十一月十三日更永

壽宮

永壽門牌

未央宮更啓祥宮牌

啓祥門牌

已上二宮嘉靖十四年五月初十日更名各添懸扁額

牌樓

貞源茂始更

聖本肇初

慶澤無終更

元德永衍

已上二牌樓嘉靖十七年十一月十四日添額名四十四年九月十五日更

萬安宮更翊坤宮牌

翊坤門牌

長春宮更永寧宮牌萬曆四十三年六月十二日更長春

宮

長春門牌

壽昌宮更儲秀宮牌

儲秀門牌

身刻... 卷六

壽安宮更咸福宮牌

咸福門牌

咸融宮更咸安宮牌

咸安門牌

已上五宮嘉靖十四年五月初十日更

宮西門更長庚門牌

肅禁門牌

太安門牌

景福門嘉靖十四年十月初九日更嘉德右門牌

通元門隆慶元年六月二十日拆

西頭一所扁

西第二所扁

西第三所扁

西第四所扁

西第五所扁

西二長街

翔鸞門扁

儀鳳門扁

崇禧門扁

長泰門扁

奉先殿牌

奉先門牌

崇先殿更神霄殿牌萬曆二十七年二月二十七日添蓋

左藏庫

神霄門牌

景雲殿牌

景雲門牌

奉慈殿更東裕庫牌

嘉慶... 卷六

卷六

五

寶善門牌	文華殿牌
文華門牌	九五齋牌
臨寶室扁	精一堂扁
恭默室扁	省愆居牌
端敬殿牌	端敬門牌
理辦房牌	御食館牌
聖濟殿牌	元輝殿牌
元輝門牌	

方殿萬曆二十七年十一月初十日拆去添蓋庫座

清寧宮後小宮五花宮花園拆蓋	徽音門牌
慈慶宮牌	關雎右門牌
關雎左門牌	慈慶門牌
麟趾門牌	純禧右門牌
純禧左門牌	厠庫房無扁
膳廚無扁	
太寧門牌	
後四室	
奉宸宮牌	奉宸門牌

勗勤宮牌	勗勤門牌
承華宮牌	承華門牌
昭儉宮牌	昭儉門牌
韶園門牌	麗園門牌
擷芳殿牌	隆祀門牌
本恩殿被燬萬曆二十六年二月二十九日蓋常盈庫懸牌	
仁壽殿牌	仁壽門牌
嘉慶左門牌	嘉慶右門牌

履順門牌	蹈和門牌
景福宮牌	景福門牌
元吉閣牌	協瑞門牌
噦鸞宮牌泰昌元年十月二十四日被燬	
啗鳳宮牌	宮正司
尚衣局	尚食局
尚功局	尚服局
尚寢局	尚宮局
短連庫座萬曆二十七年五月十二日添蓋	

古香齋春明萬餘錄

仁壽宮大善殿嘉靖二十一年九月初八日拆蓋

慈寧宮牌

慈寧門牌

長信門牌

徽音左門牌

徽音右門牌

永安門牌

慈寧宮花園咸若亭一座萬曆十一年五月內更咸若館

扁

翠芳亭扁

花園內橋萬曆六年添蓋臨溪館一座萬曆十一年五月

內更臨溪亭

瑞花亭萬曆十一年五月內蓋造添扁

精一堂隆慶四年正月二十八日更仁德堂

精一門更仁德門牌

皇極閣更道心閣隆慶四年正月二十八日更

隆道閣牌

下仁德堂牌

忠義室牌

會極門更仁蕩門牌

歸極門更義平門牌

已上嘉靖四十一年七月十三日更

養心殿牌

養心門牌

前東配殿履仁齋扁

前西配殿一德軒扁

後殿

涵春室扁

東隆禧館扁

西臻祥館扁

已上前東配殿起萬曆二十二年十月初九日添額

祥寧宮牌

祥寧左門牌

祥寧右門牌

臨寶室扁

元極寶殿隆慶元年六月二十日更隆德殿牌天啓七年

三月初二日添蓋崇禎六年四月十五日更中正殿

牌左有容軒右無逸齋俱扁左配殿春仁殿右配殿

秋義殿俱牌

元極門隆慶元年六月二十日更隆德門牌崇禎六年三

月內拆

二南門牌

四德門牌

隆禧殿更英華殿牌崇禎五年十一月二十三曰拆去牌

面出回衙門收貯

英華門隆慶元年六月二十日更扁

仁智殿牌

思善門牌

武英殿扁

大庖廚牌

古蹟通志卷六

南薰殿牌

世廟

景神殿牌

永孝殿牌

睿宗廟嘉靖四十四年九月二十五日更名玉芝宮牌懸

額

後殿大德殿牌

宮門芝祥門牌

外券門寶慶門牌

延祥宮扁

佳麗門扁

永明殿扁

乾運殿牌

凌雲亭牌

御風亭牌

秀巖石扁

天光亭牌

雲影亭牌

戴鰲牌樓

飛虹牌樓

龍德殿牌

崇仁殿牌

廣志殿牌

丹鳳門牌

蒼龍門扁

昭明門扁

環碧殿牌

嘉樂館扁

瑞雲館扁

紫芝軒牌

昭慶殿扁

崇光殿牌

昭融館扁

古蹟通志卷六

卷六

三

嘉靖朝重修金錄

咸春閣牌

安福左門牌

安福右門牌

迎祥左門牌

迎祥右門牌

休明門牌

欽天閣牌

追先閣

已上二閣嘉靖十九年九月十九日添牌

麒麟房無扁

環翠殿扁

崇智殿扁

清華殿牌

瓊林石扁

宣仁門扁

翔鳳之殿嘉靖四十一年八月初六日被燬地基萬曆二

十八年四月初四日添蓋庫座

金寶庫嘉靖十三年七月初七日拆蓋

皇史宬牌

皇史門牌

聖歷左門牌

聖歷右門牌

南城

中路

永泰門扁

觀心殿萬曆二十八年六月二十日添蓋扁

昭祥門扁

端拱之門牌

嘉靖朝重修金錄

昭德門牌

重華門牌

廣愛門牌

咸熙門牌

重華殿牌

中圓殿無扁

肅雍門牌

康和門牌

後殿無扁

麗春門牌

清和閣牌

迎春館扁

圓殿牌

東長街

廣順門扁

中和門扁

景華門扁

宣明門扁

景明門扁

洪慶門牌

洪慶殿牌

後殿無扁

膳房無扁

庫無扁

景和門扁

西長街

興善門扁

麗景門扁

長春門扁

清華門扁

二所無扁

寧福宮扁

嘉慶重修皇極經世一

延福宮扁

嘉福宮扁

高明門扁

明德宮扁

永春宮扁

永寧宮扁

且春宮扁

延喜宮扁

延春宮扁

御前作

河東

崇德殿即回龍觀萬曆二十八年六月初四日拆去蓋造

觀心殿修補乾運殿萬曆三十二年三月十六日添

蓋崇德殿牌

觀芳亭萬曆三十二年三月十六日添蓋牌

集祥門扁

桂香館萬曆二十八年六月

初四日拆去蓋造觀心殿修補乾運殿

膳房萬曆二十八年六月初四日拆去蓋造觀心殿修補

乾運殿

翠玉館扁

浮金館扁

櫛秀亭

聚景亭

已上二亭嘉靖十三年五月二十一日添牌

呂梁洪嘉靖十三年五月二十二日更

皇極經世一

卷六

三

漾金左亭

漾金右亭

已上二亭嘉靖十二年五月二十一日添牌

含和殿牌

澄輝閣萬曆二十年四月二十九日更湧福閣

秋香閣無扁

東華門牌

東上門牌

東上南門牌

東上北門牌

東中門牌

大烹廚牌

東安門牌

正心殿嘉靖四十四年九月十八日更齋宮

始陽靜五師堂左右配殿後小殿宮門

已上正心殿等隆慶元年三月初一日工部拆去

萬歲山崇禎七年九月初九日奉旨萬歲山頂至山根斜

量二十一丈著拆高多少合每丈拆高七尺共拆高

一十四丈零七尺

萬歲門牌

山左門

山右門

已上三門萬曆三十年八月十一日添牌

毓秀亭嘉靖十三年五月十一日更

壽皇殿牌

玩芳亭萬曆二十八年四月十四日更

翫景亭萬曆二十九年八月十七日更

長春亭牌 長春門牌

壽皇殿牌 左毓秀館扁

右毓秀館萬曆三十八年六月二十九日添蓋扁

萬福閣牌 下臻祿堂牌

永康閣牌 下聚仙室牌

延寧閣牌 下集仙室牌

已上萬曆三十年閏二月初八日添蓋

萬福閣東

觀德殿萬曆二十八年五月初八日添蓋牌

後亭

壽春亭萬曆三十一年二月十三日添蓋牌

山子上翫景亭牌下洞

壽明洞萬曆三十一年二月十三日添蓋扁

永壽殿牌 永壽門牌

觀花殿萬曆三十年閏二月初八日添蓋牌

後亭

正德初年重修

集芳亭萬曆三十一年二月十三日添蓋牌

會景亭萬曆三十年五月十三日添牌

興慶閣萬曆四十一年四月二十八日更甃春樓牌

壽安室萬曆三十年九月十七日添牌

萬福閣西

永安亭萬曆三十一年二月十三日添蓋牌

永安門牌

乾祐閣牌

乾祐門牌

下嘉禾館牌

興慶閣萬曆四十一年四月十五日添蓋牌

景明館牌

山左裏門萬曆三十年七月初二日添蓋牌

山右裏門牌

山右門

已上嘉靖二十一年三月初七日添牌

元武門牌

北上門牌

北上東門牌

北上西門牌

北中門牌

北安門牌

道經堂更書造局無扁

護道殿

嘉靖二十一年

卷六

大高元殿等處

前牌樓名

先天明鏡

孔綏皇祚

太極仙林

弘佑天民

亭名

炁真閣牌

桐靈軒

已上嘉靖二十一年四月初一日添牌

始青道境牌

福靜門扁

康生門扁

高元門牌

蒼精門牌

黃華門牌

大高元殿牌

無上閣牌

下龍章鳳象牌

始陽齋牌

象一宮牌

寧安門扁

壽昌門扁

隆道齋

萬法寶殿被燬萬曆二十九年五月二十五日添蓋佛殿

連房萬曆三十年十一月初四日佛殿添額名祖師

殿牌

長寧門更永亨門牌

龍翔門牌

西便門更長寧門

慈濟門

咸明門牌

圓明閣嘉靖二十六年二月初四日添蓋牌

承光殿嘉靖三十一年八月初三日更乾光殿牌金海等處

廣寒殿萬曆七年五月初四日坍塌六月初六日拆去

牌樓名

堆雲

積翠

大橋

牌樓名

金鰲

玉棟

太液橋

陟山門嘉靖二十一年三月初一日添扁

凝和殿嘉靖二十三年六月二十二日更惠熙殿嘉靖四

十三年二月十二日更元熙殿扁

凝和門嘉靖二十三年六月二十二日更惠熙門嘉靖四

十三年三月十二日更元熙門扁

元熙殿馬頭左擁翠亭萬曆三十年七月十五日更元津

亭

右飛香亭萬曆三十年七月十五日更元潤亭

船塢

弘濟神祠牌

北開口亭嘉靖十三年六月初六日更湧玉亭嘉靖二十

二年三月初六日更匯玉渚扁

西馬頭龍淵亭萬曆三十年七月十五日添蓋扁

凝道雷軒扁

念善館

已上嘉靖二十二年三月初六日添

遠趣軒更神應軒又更元雷居牌

元雷門牌

會景亭嘉靖二十二年三月初六日更龍澤亭萬曆三十

年七月十五日更龍湫亭牌

雷霆洪應之殿牌

壇城

轟雷軒

嘯風室

噓雪室

靈雨室

耀電室

清一齋

寶淵門牌

靈安堂

精馨堂

馭仙次

輔國堂

演妙堂

入聖居

已上嘉靖二十二年三月初六日懸額

溥惠門牌

太素殿嘉靖四十三年七月內更壽源殿牌

正心齋

持敬齋

已上嘉靖二十二年三月初六日添

素左門

素右門天啓七年六月內壘塞

歲寒亭嘉靖二十二年三月初六日更五龍亭牌

龍神祠扁

北臺萬曆二十九年六月十三日添蓋天啓元年十一月

初四日拆

乾德殿萬曆二十九年六月十三日添蓋萬曆三十年八

月初五日更乾德閣牌天啓元年八月初四日奉旨

拆卸天啓四年五月初一日添蓋嘉德殿牌

下祐皇殿牌

延景門

乾德門牌

嘉慶朝重修... 卷六

牌坊名

南福渚扁

北壽岳扁

五亭名

中龍澤亭牌

左澄祥亭扁

右湧瑞亭扁

左滋香亭扁

右浮翠亭扁

三洞名

上隆壽洞牌

中玉華洞牌

下仙遊洞牌

已上萬曆三十年七月十四日添天啓元年拆

兼祥橋牌

獅子房

虎城無扁

振武殿萬曆二十九年四月二十三日添蓋牌

恒裕倉扁

省嫩亭扁

天鷺房嘉靖二十五年七月十八日拆蓋騰禮殿牌

隆沼門

秋輝亭嘉靖二十二年四月初九日更騰波亭嘉靖三十

五年五月十九日更滋祥亭萬曆三十年七月十七

日更香津亭扁

清馥殿牌

丹馨門扁

錦芳亭牌

翠芬亭牌

已上嘉靖十一年三月初三日添牌

長春門牌

昭馨門扁

瑞芬門扁

馥景門

仙芳門扁

馥東門

馥西門嘉靖二十五年十一月初六日安扁

澄碧亭嘉靖二十三年六月二十三日更飛靄亭嘉靖二

十年五月十九日更湧禧亭萬曆三十年七月十七

日更騰波亭扁

涌瑞亭萬曆三十年七月十七日更飛靄亭扁

迎翠殿更承華殿萬曆三十年十月初六日拆去乾德閣

工所用

迎翠門更承華門扁

已上嘉靖二十三年六月二十二日更

浮香亭嘉靖十三年五月二十一日添嘉靖三十年六月

初四日更芙蓉亭扁

皇朝通志卷之六

寶月亭嘉靖十一年三月初三日那蓋添牌

延年殿嘉靖四十三年三月十二日添蓋牌

滋齡門扁

滋齡亭萬曆三十一年二月十三日更南教場平臺嘉靖

三十五年三月十五日拆蓋

紫光閣牌

下玉仙室扁

明德殿萬曆二十八年十月初一日添牌

玉熙宮牌

熙祥門牌

熙瑞門牌

後殿清仙宮牌

東壽禪齋扁

仙輝館扁

鳳和居扁

西祿禪齋扁

仙朗館扁

鸞鳴居扁

羊房夾道

貞慶殿萬曆三十一年八月初七日拆去大山子工所用

福德門

大仙都殿嘉靖二十八年三月初三日更大道殿牌

大道門牌天啓七年三月初二日拆蓋隆德殿

清虛殿牌

清虛門牌

皇朝通志卷之六

皇

鑿戒亭牌

已上嘉靖十三年八月十二日添

曲流觀扁

曲流觀門萬曆二十九年四月二十三日添扁

翠林

瑤景

旋波臺嘉靖二十八年三月十六日更仙臺萬曆九年七

月內添四柱方亭一座萬曆四十年九月初六日添

迎仙亭牌

牌坊名

南福巒

臺上七層牌額

北祿渚

一層玉光

二層光華

三層華耀

四層耀真

五層真境

六層境儂

七層儂臺

朝元館牌

館門嘉靖四十五年五月初四日添蓋萬曆二十八年五

月二十六日拆

顯陽殿萬曆二十九年五月十三日添蓋牌
景德殿萬曆二十八年十月初一日添蓋牌

大光明殿等處

西登豐門牌

廣福門牌

廣和門扁

廣寧門扁

二門

玉宮門牌

昭祥門扁

凝瑞門扁

大光明殿牌

左太始殿牌

右太初殿牌

宣恩亭牌

響社亭牌

一陽亭牌

萬仙亭牌

後門

永吉門牌

左安門

右安門

太極殿牌

東統宗殿牌

西總道殿牌

帝師堂牌萬曆三十年九月十九日拆

積德殿牌萬曆三十年九月十九日拆

壽聖居萬曆三十年二月十三日拆

福真慈萬曆三十年二月十三日拆

祿仙居萬曆三十年二月十三日拆

天元閣牌

下闡元保祚

朝東外門

天平門

豐和門

萬壽宮嘉靖四十二年九月初二日更恩壽宮嘉靖四十

四年三月十五日更萬壽宮牌

萬壽門牌

壽源宮嘉靖四十四年三月十五日更百祿宮牌

五福殿嘉靖四十四年三月十五日添

承祐殿扁

左祐祥殿扁

右祐寧殿扁

龍禧殿嘉靖四十二年二月十二日更龍煌齋嘉靖四十

四年三月十五日更龍吉齋

鳳祺館嘉靖四十二年二月十二日更鳳燧館嘉靖四十

四年三月十五日更鳳祥館

福臻閣嘉靖四十二年二月十二日更昭祥閣

祿康御更朗瑞居

曦福門嘉靖四十四年三月十五日更耀曦門
 朗祿門嘉靖四十四年三月十五日更耀朗門
 含祥門牌 成瑞門牌
 永康門更永和門牌 永順門
 永綏門牌 永祉門
 納康門
 衍慶門嘉靖四十四年三月十五日更長寧門牌
 太元亭嘉靖四十四年二月十九日拆
 凝一殿牌

東

萬春宮	春明門牌
後含春殿牌	春靜門
萬和宮	萬和門
萬華宮	萬華門
萬寧宮	萬寧門
御饌庖扁	御饌門扁
體仁門扁	履康門扁
啓泰門扁	納祉門

泰安門

西

仙禧宮更千秋宮

仙樂宮更千樂宮

仙安宮更千景宮

仙明宮更千安宮

巳上四宮嘉靖四十二年九月二十一日更

朝東南起

常寧門扁

常和門

常善門

常輝門

金寧門

攸順門

攸利門

金靜門

金瑞門

宣惠門

靜安門

灌木門更素康門扁

授衣門更金寧門

蝻斯門更常靜門

巳上三門嘉靖三十七年二月十四日更

壽安門嘉靖三十三年正月十九日添蓋

廣成門嘉靖二十一年八月二十一日添蓋

東和門更平安門

南陽德門牌

永光門扁

北嘉安門牌

東迎和門牌

已上嘉靖二十一年八月十六日蓋

帝社稷壇

帝社街

無逸殿更書館

幽風亭更寫法亭

壽明殿無扁

壽明門無扁

已上殿門嘉靖三十七年閏七月二十六日添蓋省

耕亭

西莊家門馬頭

飛香亭萬曆三十年七月十五日添扁

昭和殿牌

擁翠亭萬曆三十年七月十五日添扁

耀臺坡牌

翠香亭萬曆三十年七月十五日添扁

澄淵亭牌

海神祠扁

已上嘉靖十三年五月二十一日添

樂成殿扁

涵碧亭牌

浮玉亭萬曆三十年七月十五日添扁

西苑門扁

左臨海亭扁

行臨海亭扁

已上嘉靖二十三年五月二十一日添蓋

崇智殿嘉靖四十四年二月二十六日拆蓋

五雷殿牌

左迎祥館

右集瑞館萬曆二十九年三月二十二日添扁

太元亭扁

問法所

臨漪亭牌

水雲榭牌

已上嘉靖二十一年五月二十一日添蓋

西華門牌

西上門牌

西上南門牌

西上北門牌

西中門牌

乾明門牌

西安裏門牌

西安門牌

明洪武元年八月大將軍徐達遣指揮張煥計度元
皇城周圍一千二十六丈將宮殿拆燬至二十二年
封太宗為燕王命工部於元皇城舊基建府其制山
川二壇在王城南之右王城四門東曰體仁西曰遵
義南曰端禮北曰廣智門樓廊廡二百七十二間中
曰承運殿十一間後為圓殿次曰存心殿各九間承

運殿之兩廡為左右二殿自八間殿之後前中後三宮各九間宮門兩廂等室九十九間王城之外周垣四門其南曰靈星餘三門同王城門名周垣之內堂庫等室二百三十八間凡為宮殿室屋八百一十一間

宮禁誡勅

明太祖洪武三年命工部造紅牌鐫戒諭后妃之詞懸之宮中申嚴宮闈之禁皇后之尊只得治宮中之事宮門外事皇不得預后妃嬪嬙宮中諸費皆尚宮

奏之發內官監覆奏方得赴部關領若尚宮不奏而輒發內官監內官監不奏而輒赴部擅領者皆論死宮嬪以下有疾醫者不得入宮惟問症取藥而已羣臣命婦惟慶節朝見中宮無事不許入宮人主亦無見命婦之禮凡天子及親王后妃宮人等必須選擇良家子女以禮聘娶不拘處所勿受大臣進送命儒臣修女誠曰治天下者修身為本正家為先正家之道始於謹夫婦后妃雖母儀天下然不可使預政事至於嬪嬙之屬不過備職事侍中櫛若寵之太

過則驕恣犯分上下失序觀歷代宮闈政由內出鮮有不為禍亂者也夫內嬖惑人甚於鳩毒惟賢明之主能察之于未然其他未有不為所惑者卿等纂述女誡及古賢之事可為法者使後世子孫知所持守

宮官

宮官有六局一司局洪武十二年置曰尚宮尚儀尚服尚食尚寢尚功司曰宮正

尚宮局尚宮二人正五品掌導引中宮總司記司言司簿司闈四司之官屬凡六尚事物出納文籍皆印署之司記

二人正六品典記一人正七品掌記二人正八品司記掌印宮內諸司簿書出入錄目審而付行典記掌記佐之女史六人掌執文書司言二人正六品典言二人正七品掌言二人正八品司言掌宣傳奉啓之事典言掌言佐之女史四人掌執文書司簿二人正六品典簿二人正七品掌簿二人正八品司簿掌名籍厚賜之事典簿掌簿佐之女史六人掌報文書司闈六人正六品典闈六人正七品掌闈六人正八品司闈掌宮闈管鑰之事典闈掌闈佐之女史四人掌執文書

尚儀局尚儀二人正五品掌禮樂起居總司籍司樂司賓
司贊四司之官屬司籍二人正六品典籍二人正七品掌
籍二人正八品司籍掌經籍教授筆札几案之事典籍掌
籍佐之女史十人掌執文書司樂二人正六品典樂四人
正七品掌樂四人正八品司樂掌率樂人習樂陳縣拊擊
進退之事典樂掌樂佐之女史二人掌執文書司賓二人
正六品典賓二人正七品掌賓二人正八品司賓掌朝見
宴會賞賜之事典賓掌賓佐之女史二人掌執文書司贊
二人正六品典贊二人正七品掌贊二人正八品司贊掌

朝見宴會贊相之事典贊掌贊佐之女史二人掌執文書
形史二人正六品掌后妃羣妾御于君所書其月日
尚服局尚服二人正五品掌供內服用采章之數總司寶
司衣司飾司仗四司之官屬司寶二人正六品典寶二人
正七品掌寶二人正八品司寶掌寶符契圖籍典寶掌寶
佐之女史四人掌執文書司衣二人正六品典衣二人正
七品掌衣二人正八品司衣掌衣服首飾典衣掌衣佐之
女史二人掌執文書司飾二人正六品典飾四人正七品
掌飾二人正八品司飾掌膏沐巾櫛器玩之事典飾掌飾

佐之女史二人掌執文書司仗二人正六品典仗二人正七品掌仗二人正八品司仗掌羽輿仗衛之事典仗掌仗佐之女史二人掌執文書

尚食局尚食二人正五品掌供膳羞品齊之數總司膳司醞司藥司饎四司之官屬凡進食先嘗之司膳四人正六品典膳四人正七品掌膳四人正八品司膳掌割烹煎和之事典膳掌膳佐之女史四人掌執文書司醞二人正六品典醞二人正七品掌醞二人正八品司醞掌酒醴醢飲之事典醞掌醞佐之女史二人掌執文書司藥二人正六

品典藥二人正七品掌藥二人正八品司藥掌醫方藥物之事典藥掌藥佐之女史四人掌執文書司饎二人正六品典饎二人正七品掌饎二人正八品司饎掌給宮人廩餼薪炭之事典饎掌饎佐之女史四人掌執文書

尚寢局尚寢二人正五品掌燕寢進御之次序總司設司輿司苑司燈四司之官屬司設二人正六品典設二人正七品掌設二人正八品司設掌帷帳裯履灑掃張設之事典設掌設佐之女史四人掌執文書司輿二人正六品典輿二人正七品掌輿二人正八品司輿掌輿輦繳扇羽儀

之事典興掌與佐之女史二人掌執文書司苑二人正六
品典苑二人正七品掌苑二人正八品司苑掌園苑種植
蔬菜之事典苑掌苑佐之女史二人掌執文書司燈二人
正六品典燈二人正七品掌燈二人正八品司燈掌燈燭
膏火之事典燈掌燈佐之女史二人掌執文書
尚功局尚功二人正五品掌女功之程課總司製司珍司
絲司計四司之官屬司製二人正六品典製二人正七品
掌製二人正八品司製掌衣服裁製縫線之事典製掌製
佐之女史四人掌執文書司珍二人正六品典珍二人正

七品掌珍二人正八品司珍掌金玉寶貨之事典珍掌珍
佐之女史六人掌執文書司絲二人正六品典絲二人正
七品掌絲二人正八品司絲掌絲繪錦桌之事典絲掌絲
佐之女史六人掌執文書司計二人正六品典計二人正
七品掌計二人正八品司計掌度支衣服飲食薪炭之事
典計掌計佐之女史四人掌執文書
宮正司宮正一人正五品掌糾察宮闈責罰戒令之事司
正二人正六品典正四人正七品女史四人掌執文書
二十九年授六尚局官勅曰朕觀帝王為治必自齊

家始未有家不齊而能治國平天下者周之內宰以陰禮教六宮九嬪以婦職之法教九御各有職司非細故也朕起布衣陟尊位而於內治之道不敢忽焉是以內設六尚以職六宮斯列聖相維之道也近年精選民間淑德入宮者數人使兼六尚事人各克勤事多周備今特命某為某官爾尚克遵前規慎守乃職毋怠毋忽其外有家者女子服勞既多或五載六載歸其父母從其婚嫁人受命年高者許歸以終天命願留者聽其宮闈及見受職者家與祿視外品官

等

內官監承運等庫局附

內官監通掌內史名籍總督各職凡差遣及缺員具名奏請設令一人正六品丞二人從六品典簿一人正九品所掌文籍以通書算小內使為之神宮監掌太廟祭器及祭祀灑掃設令一人正七品丞一人從七品奉御一人正八品尚寶監掌御寶圖書凡用御寶則奏請然後付尚寶司官用之畢則捧入設令一人正七品丞一人從七品尚衣監掌御用冠冕衣服靴履設令一人正七品丞一人從七

品奉御四人正八品尚膳監掌御膳設令一人正七品丞
一人從七品司設監掌御用儀仗輦輿帳棚褥張設設
令一人正七品丞一人從七品奉御四人正八品司禮監
掌宮廷禮儀凡正旦冬至等節命婦朝賀等禮則掌其班
位儀注及糾察內官人員違犯禮法者設令一人正七品
丞一人從七品直殿監掌各殿灑掃陳設設令一人正七
品丞四人從七品小內使一十五人宮門承制掌傳奉宣
召設奉御五人正八品宮門守門官掌宮門灑掃時其開
闔譏察出入設門正一人正八品副四人從八品內承運

庫掌供御金銀緞疋等物設人使一人正九品副使一人
從九品司鑰庫掌皇城各門管鑰大使一人正九品副使
四人從九品巾帽局掌造內府冠帽設大使一人正九品
副使二人從九品針工局掌造內府衣服設大使一人正
九品副使一人從九品織染局掌織染緞疋設大使一人
正九品副使一人從九品顏料局掌燒造銀硃等項顏料
設大使一人正九品司苑局掌種蒔蔬果設大使一人正
九品司牧局掌牧養孳牲設大使一人正九品皆于內官
內選用外承運庫掌收金銀緞疋等物甲字庫掌收銅錢

布疋顏料乙字庫掌收衣服衾帳紙劄等物丙字庫掌收
經絲綿紗線丁字庫掌收銅鐵錫香茶蠟諸物戊字庫掌
收氈衫胡椒并支軍器廣源庫掌收貯寶鈔廣惠庫掌收
支寶鈔每庫設大使一人正九品副使一人從九品皆於
流官內選用隸戶部皮作局掌熟皮張成造靴鞋鞍轡
兵仗局掌造各項軍器寶源局掌鼓鑄銅器每局設大使
一人正九品副使一人從九品皆於流官內選用隸工部
內官禁令凡內使於官城內相罵詈先發而理屈者杖五
十後發而理直者不坐其不服本官鈐束而抵罵者杖六

十內使罵奉御者杖六十罵門官監官者杖七十內使等
於官城內鬪毆先鬪而理屈者杖七十毆傷者加一等後
應理直而無傷者笞五十不服本官鈐束而毆之者杖八
十毆傷加一等毆奉御者杖八十毆門官監官者杖一百
傷者各加一等內使有心懷惡逆出不道之言者凌遲處
死知情而蔽之者同罪知而不首者斬首者賞銀三百兩
洪武二年諭吏部曰朕觀周禮內官未及百人後世
至踰數千卒爲大患今雖未能復古亦當爲防微之
計古時此輩所治止於酒漿醢醢司服守閹數事今

朕不過以備使令非別有委任可斟酌其宜毋令過多又曰此輩自古以來求其善良千百中不一二見若用以爲耳目卽耳目蔽矣以爲腹心卽腹心病矣馭之道但常教戒使之畏法不可使之有功有功則驕恣畏法則檢束檢束則自不敢爲非也乃定置六十八人

中官之制凡內使小火者烏木牌平巾者不得衣圓領束帶唯請轎長隨并都知監長隨各獅子等補束角帶及有牙牌官帽便謂之奉御正六品得服麟補

束金廂瑇瑁或犀帶自奉御而上左右監丞五品左右少監從四品太監正四品太監而上方服斗牛補再陞則膝襴飛魚斗牛及蟒衣再陞方賜玉帶冬則光素夏則玲瓏三九月則頂收再陞則內府騎馬凡騎馬者自東西下馬門起至南內西上南門起至寶鈔司凡遇聖節正旦大婚誕慶各進馬一匹再陞則每歲祿米十二石後加一級皆益十二石逆賢以遼左缺馬凡中官力能辦馬者皆賜騎一時數百人有每次進十四至五十四匹每歲傳進十餘次其身頓加

祿米一次至一千二百石蓋百級矣皆濫典也
內書堂教習內官始於宣廟初以大學士陳山後皆
以編檢矣然不施夏楚其權反在學長其罰典輕則
以界方搖手重則於聖人前罰跪再重則扳著幾炷
香扳著者向聖人直立彎腰用兩手扳住兩脚不許
股屈屈則界方兩下

嘉靖中詹事霍韜等重修會典疏謂內臣監局官員
祖訓置職甚詳惟弘治年間儒臣失考不及纂述宜
查洪武年間各監局職掌何如員數何如編列禮典

亦以禮制治之意也不報嗣是屢修會典無人議及
矣

附載

宮人參隨視朝起於晉代六朝相因至唐不改六典
曰宮嬪掌朝會贊相之事引容立於殿廷杜詩所謂
戶外昭容紫袖垂雙瞻御座引朝儀是也崔眉盡誅
宦官止令內夫人至中學士院傳宣聖諭及朱溫將
謀禪代而始罷宮人傳宣及隨朝之儀永樂末年上
有疾用宮人隨侍出朝後無復有此事

漢時宮中有對食者宮人相與配合爲夫婦也陳皇后無子使宮人衣上衣冠與之寢處武帝廢之責以爲女而男淫後世宮人率與中官爲匹偶其曠甚于夫婦

唐時宮中給使令者皆有冠巾謂之裏頭內人舊制宮中女官亦給冠帶卽其遺制也

宋制以內夫人六人輪日修起居至暮封付史館舊制有女秀才代書王命而不職起居此不及宋

古葬宮人之所謂之宮人斜京城阜城門外五里許

有靜樂堂磚甃二井屋以塔南通方尺門謹閉之井前結石爲洞四方通風宮人有病非有名稱者例不賜墓則出之禁城後舜貞門榜右門承以歛具昇出元武門經北上門北中門達安樂堂授其守者召本堂土工移北安門外易以朱棺禮送之靜樂堂火葬塔井中凡宮人故必請旨凡出必以銅符合符乃遣嘉靖中有貴嬪捐貲易民地數畝其焚燼不願井者悉內地中
禮儀房奶口

皇城東安門外稍北有禮儀房乃選養奶口以候內
廷宣召之所俗名奶子府有提督司禮監太監有掌
房有貼房俱錦衣衛指揮每季選奶口四十名養之
於內謂之坐季奶口別選八十名籍于官謂之點卯
奶口倘坐季者有故卽以補之先期宛平大興兩縣
及各衙門博求軍民家有夫女口年十五以上二十
以下夫男俱全形容端正第三胎生男女僅三月者
雜選之仍令穩婆驗無隱疾具結起送候司禮監請
旨差內官出合各衙門所送奶口會選乃定每口日

給米八合肉四兩光祿寺支領每年更番什物每季
煤炭雜器兩縣召商辦送每遇宣取則就中選取一
人易高髻新衣宮妝以進崇禎十六年五月司禮監
王德化本云奶口例有定額按季遴選季終退換故
取之於軍者則錦衣等二十八衛之大小地方之廣
狹以定口數之多寡故衛之口數最多者爲錦衣額
數以一百計餘衛則十五以至十口止城縣之最多
者爲南城額以一百七十計餘則一百二十以至二
十口止每遇選期慎擇生男生女各二十口并所乳

嬰兒存房作養以備一季之取用上季未用者卽行疎放此舊例也今宜選生男生女各以十五口爲額少副軫恤之意至於里甲之勒索僉報之騷擾事屬城司宜嚴申禁

故事民間婦無得入禁中者卽諸宮女已承恩賜名稱其母非得旨亦不入惟三婆則時有之一曰奶婆卽二縣與各衙門選送禮儀房坐季奶口若內廷將有誕喜先鋪月子房傳預選則數人候之內直房產男用乳女者產女用乳男者初亦雜試候月餘乃留

一人一曰醫婆取精通方脈者候內有旨則各衙門選取以送司禮監會選中籍名待詔入選者婦女多榮之一曰穩婆卽民間收生婆中預選籍名在官者惟內府所用之如選宮女則用以辨別妍媸可否如選奶口則用以等第乳汁厚薄隱疾有無如內廷有喜則先期預集老於事者直宿日伺候之事定乃罷諸婆中有一經傳宣者則出入高髻彩衣如宮裝以自別於曹偶民間亦以此信而用之醫婆穩婆事竣皆得出惟奶口一留用則終其身事所乳得霑恩澤

無復出理其食報蓋特隆云崇禎辛巳令乳皇子至
七歲放出保母之崇非先王之制卽中季亦自陸合
萱等一二人而外不多見明制例封夫人而永樂之
保母賢順夫人馮氏夫王忠贈左都督諡恭靖洪熙
之衛聖夫人楊氏夫蔣廷封追封保昌伯諡莊靖此
作法於涼矣至天啓之奉聖夫人客氏子弟官俱累
都督客氏黨比逆賢幾危宗社
後市附

古國都如井田法畫爲九區面朝背市左祖右社中一區

君之宮室宮室前一區爲外朝朝會藏庫之屬皆在焉後
一區爲市市四面有門每日市門開則商賈百物皆入惟
民得入公卿大夫士皆不得入入則有罰市官之法如周
禮司市平物價治爭訟譏察異服異言之類此國君都邑
規模之大槩也

宮闕之制前朝後市市在元武門外每月逢四則開市聽
商貿易謂之內市燈市自正月初旬起至月半止歲惟一
舉每月逢朔望及二十五則城隍廟市每月逢三則土地
廟市謂之外市然外市係士夫庶民之所用若奇珍異寶

進入尚方者咸於內市萃之至內造如宣德之銅器成化之審器永樂巢園廠之髹器景泰御前作房之瑤瑯精巧遠邁前古四方好事者亦於內市重價購之

自古都邑大賈名俠皆有稱號如古地官司司徒司市市官掌市之治教政刑量度禁令以次序分地而經市以陳肆辨物而平市以政令禁物靡而均市以商賈阜貨而行市以量度教賈而徵價以質劑結信而止訟以賈民禁僞而除詐以刑罰禁蕩而去盜以泉府同貨而歛賒大市日昃而市百族爲主朝市朝時

而市商賈爲主夕市夕時而市販夫販婦爲主漢書所謂東市賈萬城西萬章箭張禁酒趙放又如貨殖傳所載翁伯販脂張氏賣漿郅氏灑削濁氏胃脯其所貨至爲織嗇往往鼎食擊鐘富比王侯都城舊日如勾欄衢衢何關門家布前門橋陳內官家首飾雙塔寺李家冠帽東江米巷党家鞋大柵欄宋家靴雙塔寺趙家蕙酒順承門大街劉家冷淘麵本司院劉鶴家香帝王廟街刁家丸藥皆名著一時起家鉅萬至抄手衢衢華家專煮豬頭內而宮禁外而動戚皆

知其名薊鎮將帥置走馬傳致亦當日太平勝槩也
登聞鼓院附

院在西長安門小廳三間東向傍一小樓懸鼓俾冤民擊
之通達下情每日科道官各一員錦衣衛官一員輪司其
事民有冤抑有司不為申理具狀通政司又不為轉達審
實列其狀以聞

唐時宮闕前有肺石長可八九尺形如垂肺古秋官
大司寇以肺石達窮民原其義乃伸冤者擊之立其
下然後士聽其詞所以肺形者肺主聲聲所以達其

冤也

憲綱凡按察司官斷理不公不法等事果有冤枉者
許赴巡按監察御史處聲冤監察御史枉問許赴通
政司遞狀送都察院申理都察院不與理斷或枉問
者許擊登聞鼓陳訴

古香齋題賞袖珍春明夢餘錄卷之六

卷之六

南海孔昭熙初校
順德羅兆駒再校
南海孔昭鑿三校

